

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**03. Aningaasaqarnermut tunngasut**

- Imm. 3.1 Akiani meeqquvimmitt missingersuutit pillugit ilassutitut aningaasaliisoqarnissaa pillugu qinnuteqaat
- Imm. 3.2 Qeqqata Kommuniata Kalaallit Nunaanni Timersoqatigiit Kattuffianik isumaqatigiissuteqarnera – ilassut
- Imm. 3.3 Pitsaaliuermik immikoortup Atugarissaarnermut Immikkoortortamiit Ilinniartitaanermut Immikkoortortamut nuunneqarnissaa
- Imm. 3.4 Inuit innarluutillit inatsisaat malillugu piumasaqaatit matuneqarnissaat pillugu aningaasanik immikkut aningaasaliissuteqarnissaa pillugu qinnuteqaat immikkut aammalu sulisut ilaneqarnissaannik akuerineqarnissaa

**04. Suliassat naliginnaasut**

- Imm. 4.1 Oqaluuserisassatut siunnersuut – Meeqqanut Inuusuttunullu politikkimik 2010-meersumik nalilersueqqinneq
- Imm. 4.2 Oqaluuserisassatut siunnersuut – Sapaatit akunnerisa naanerini meeqquvimmik ammatitsisarnissamik siunnersuut
- Imm. 4.3 Oqaluuserisassatut siunnersuut – suleqatigiinneq eqaatsumillu sullissineq
- Imm. 4.4 Kajumissaatinik akissarsititsisarneq pillugu oqaluuserisassatut siunnersuut
- Imm. 4.5 Qeqqata kommune-ani innuttaasut imminortarneq pillugu oqallitalernissaannut siunnersuut
- Imm. 4.6 Oqaluuserisassatut siunnersuut – Qaqqatoqqat takornariaqarfinngortinneqarnissaannik siunnersuut
- Imm. 4.7 Uddannelsesr adimik (Ilinniartitaanermut siunnersuisooqatigiinnik) pilersitsisoqarnissaa pillugu siunnersuut
- Imm. 4.8 Ungusiviup qaavani aqquserngit aqqi
- Imm. 4.9 Illunik eriaqisassanik suliaqartarnermik ineriartortitsilluni suliaqarneq
- Imm. 4.10 Qeqqata Kommunianut 2012-imit 2024 tikillugu Kommunip pilersaaruseriorfigineqarnerani tapiliussaq nr. 24 Sisimiuni Kangerluarsunnguami inuusutissarsiuuteqarfik B8, etape 3-p nalunaarutigineqarnera

**06. Paasissutissiissutit**

- Imm. 6.1 Borgmesterip aalajangiinera - Kommunalbestyrelsimi qinikkatut killiligaanngitsumik sulinnikkallarnissamik qinnuteqaat – Malia Larsen Rosing
- Imm. 6.2 Borgmesterip aalajangiinera - Ataatsimiititaliamut ilaasortassanik nutaanik qinersineq

Imm. 6.3 Ilisimatitsissut Qeqqata Kommuniani angallassissutit tamanit atorneqarsinnaasut

Imm. 7.1 Siulittaasut nalunaarutaat

Imm. 8.1 Tamalaat

***Kommunalbestyrelsen 19-iansi 2021 ileqqusumik ataatsimiinnerani imaqarniliaq  
04/2021***

Ataatsimiinneq videokonference atorlugu ingerlanneqassaaq 19. august 2021 nal. 08.30

*Peqataasut:*

***Atassut***

Siverth K. Heilmann  
Anna Karen Hoffmann

***Inuit Ataqtiguit***

Juliane Enoksen  
Nivi Heilmann Efraimsen

***Naleraq***

Jens M. Lyberth  
Karl Lyberth  
Abel Enoksen  
Steffen Johansen

***Siumut***

Malik Berthelsen  
Gideon Lyberth  
Evelyn Frederiksen  
Aqqalu Skifte  
Kirstine Olsen  
Barnabas Larsen

*Nalunaaqqaarlutik peqataannngitsut*

Agathe Fontain (IA)  
Panceraq Olsen (N)

**Imm. 01 Oqaluuserisassat akuersissutigineri**

**Aalajangiineq**

Jens M. Lyberth tamalaanut apeqqutissaqarpoq

Anna Karen Hoffmann tamalaanut apeqqutissaqarpoq

Juliane Enoksen tamalaanut apeqqutissaqarpoq

Oqaluuserisassat akuersissutigineqarput

**Imm. 3.1 Akiani meeqqerivimmut missingersuutit pillugit ilassutitut  
anigaasaliisoqarnissaa pillugu qinnuteqaat**

*Journal nr. 06.02.01*

Tunuliaqutaq

Kommunalbestyrelsi 2017-imiit 2019 tungaanut missingersuutini Sisimiuni Akiani meeqqerivimmut nutaamut meeqqanut 64-inut, meeqqerivimmi meeqqanut pingasuniit arfinillit tikillugit ukiulinnut 40-nut inini marlunni agguataagaasunut aammalu meeraaqqerivimmi meeqqanut ukioqanngitsuniit pingasut tikillugit ukiulinnut ininut marlunnu agguataagaasunut sanaartornissamut 21 mio. koruuninik immikkoortitsisoqarnissaa aalajangiiffiginikuuvaa.

Meeqqerivik 2022-mi januaarimi tunniunneqarnissaa naatsorsuutigalugu maannakkut sanaartorneqarpoq. Missingersuutini ingerlatsinermut anigaasaliissutinik immikkoortitsisoqarnikuunngimmat, pequtinut ingerlatsinermullu ilassutitut anigaasaliisoqarnissaa pillugu qinnuteqartoqarpoq. Suliaq 2020-mi maajip sisamaani ilinniartitaanermut ataatsimiititaliamit, 2020-mi maajip 19-ani anigaasaqarnermut ataatsimiititaliamit 2020-milu maajip 28-ani kommunalbestyrelsimit suliarineqarpoq.

Taamaattorli 2022-mut ukiunullu missiliuuteqarfiusunut ingerlatsinermut missingersuutinik pilersitsisoqarnikuunngisaannarpoq, kiisalu 2021-mi missingersuutini anigaasanik immikkoortitsisoqarnikuunani, tamaattumik ilassutitut anigaasaliisoqarnissaa pillugu qinnuteqartoqarpoq.

Maleruagassatigut tunngavissat

Qeqqata Kommunianut karseqarnermut naatsorsuuserinermullu najoqqutassiaq. Ulluunerani paaqqinnittarfiit pilersinneqartarnerat atoruminarsagaanerallu taamatullu suleqatigiinnik pilersitsisarneq pillugit Namminersorlutik Oqartussat nalunaarutaat nr. 36, 24. septembari 2020-imeersoq

Qeqqata Kommuniata pilersaarusernermut periusissiaa, anguniakkat 2018 - 2022: Meeqqat ineriartornissaanni pitsaasumik sinaakkuteqarneq - "Meeqqerivinni init meeqqanut tamanut pitsaasumik atugassaqartitsisut qulakkeerusuppagut"

Pissutsit atuuttut

Sisimiuni Akiani meeqqerivik nutaaq 2022-mi januaarip 19-ani tunniunneqarnissaa naatsorsuutigineqarpoq.

Atulerneqarnissaanut atatillugu 2021-imi ataasiartumik anigaasatut 750.000 koruunit immikkoortinneqarpoq. Ataasiartumik anigaasat 800.000 koruunit taakku 2021-mi immikkoortineqartut, meeqqerivik atulinnginnerani qaammatit marluk sioqqullugit atorfinitsinneqartussaasunut aqutsisumut tullersortimullu akissarsiasaanut 150.000 koruuninik ilaqarput. Aqutsisoq tullersortilu pequtilersussapput allaffissornikkullu suliaqassallutik, meeqqerivillu naammassippat atorneqalissallunilu sulisunik atorfitsitsinermik suliaqassallutik.

Taakku saniatigut meeqqerivimmut 2022-mut ukiunullu missiliuuteqarfiusunut missingersuutinik pilersitsisoqassaaq. Aallaqqaammut isumaannikuugaluarpoq, Akiani meeqqerivik atorneqalerpat Sisi matuneqassasoq. Kisianni maannakkut utaqqisut imaapput, meeraaqqerivinnut utaqqisut meeqqat aqqanillit aammalu meeqqerivinnut utaqqisut meeqqat 14-it. Inissanik pissarsiniarluni 2021-mi februaarimiit maajimut meeqqat sulii atualinngitsut 30-t sunngiffimmi ornittakkami

**Kommunalbestyrelsep aggstip 19-iani 2021 ileqqusumik ataatsimiinnerani imaqarniliaq  
04/2021**

aallartitsinneqarnikuupput, taakku saniatigut meeraaqqerivik Nuka-mi meeraaqqerivittut ini meeqqerivittut initut allanngortikkallarnejarnikuuvoq, tamannalu inissanik katillugit 38-nik pilersitsinikuuvoq, kisianni suli utaqqisoqarpoq aammalu meeqqat amerlassusaat qaffakkaluttuinnartillugu Sisimiunilu saviminilerinermik ilinniartimmik ammaasoqarnissaanut, meeqqerivimmi inissat ikiliartornissaanut pisariaqartitsineq annikillissanngitsoq naatsorsuutigineqarpoq.

Atuilluatuunikkut kingunerisinnaasai

Meeqqanut suli atualinngitsunut Sisi paariinnarneqarneratigut, atuarfimmi atualertussanut meeqqat atuarfiannut ikaarsaanermut pitsaanerumut periarfissamik pilersitsissaagut. Angerlarsimaffimmi paarsisartunut atorfiit inuttaleruminaatsut atorunnaarsikkiartornissaannut aammalu meeqqerivinni inissanut pisariaqartitsinerup qaffakkaluttuinnartup naammassinissaanut periarfissaqalissaagut.

Aningaasaqarnikkut allaffissornikkullu kingunerisinnaasai

Akiata aallartinnissaanut sulisunut pequtinillu pisinissamat 2021-mut ilassutitut aningaasaliisoqarnissa pillugu qinnuteqartoqarpoq.

Akiani meeqqerivimmut 2021-mut missingersuut:

Atuiffik	Suunera	Aningaasaliissutit	Ilassut	Nutaamik aningaasaliineq
571040508-0304015117-122010102-010580	Aqutsisumut tullersortimullu akissarsiat		150.000	150.000
571040508-0304015117-122081700-010580	Pequtinik pisineq		600.000	600.000
	Aningaasaliissutissatut pisariaqartitat katinneri		750.000	750.000

**Akiani meeqqerivimmut 2022-mut ukiunullu missiliuteqarfiusunut 2023-miit 2025 tungaanut missingersuutit**

Meeqqeriviup Uiamut missingersuutit annertoqataannik, 2022-mut ukiunullu missiliuteqarfiusunut missingersuutiniq pilersitsisoqassaaq.

Uiaq meeqqanut 64-inut amerlassusiligaasoq 14.5-mik sulisunut amerlassusiligaavoq. Akiani meeqqerivik nutaaq meeqqanut pingasuniit arfinillit tikillugit ukiulinnut 40-nut aamma meeqqanut ukioqanngitsuniit pingasut tikillugit ukiulinnut 24-nut katillugit meeqqanut 64-inut amerlassusiligaassaaq. Sulisut amerlassusilikkat makkuussapput: Aqutsisoq, tullersorti, tullersorti perorsaasutut ilinniarsimasoq, immikkoortortami aqutsisoq perorsaasutut ilinniarsimasoq ataaseq, perorsaasut marluk, isumaginninnermik ikiortit sisamat, ikiortit sisamat, eqqiaasoq ataaseq igaffimmiorlu ullup affaani sulisartoq.

**Kommunalbestyrelsip aggstip 19-iani 2021 ileqquusumik ataatsimiinnerani imaqarniliaq  
04/2021**

2022-miit 2024-mut missingersuutit, takuuk ilanngussaq 1

Atuiffik	Suunera	Aningaasa liissutit	Ilassut	Nutaamik aningaasaliineq missingersuutit 2022	Missingersuutit 2023	Missingersuutit 2024
571040508- 0304015117 -010580	Ingerlatsin eq		4.946.080	4.946.080	4.990.595	5.035.510
	Katillugit		4.946.080	4.946.080	4.990.595	5.035.510

Allaffeqarfiup naliliinera

Soorlu ilanngussami 2-mi takuneqarsinnaasoq ukioqanngitsuniit arfinillit tikillugit ukiullit meeqqat amerliartorput, aammalu ilinniartinnik amerlanerusunik Sisimiuni peqalernikuvoq, ilinniartut amerlasuut meeraqarput ilinniarnermilu nalaani meeqqatik nassartarlugit. Tamanna isumaqarpoq, utaqqisut suli amerliartornerat. Angerlarsimaffimmi paarsisartunut atorfiit inuttalernissaat ajornakusoorpat, taakku atorunnaariartortinneqarnissaat kissaatiginarpoq.

Allaffeqarfiup innersuussutaa

Allaffeqarfiup Ilinniartitaanermut Ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigivaa,

1. Akiani meeqqerivimmik aallartitsinissamut ataasiartumik aningaasanik ilassutitut aningaasaliissutinik 750.000 koruuninik aningaasaliisoqassasoq, takuuk 2021-mi ingerlatsinermut missingersuutinut posteringsark atuuttusoq ilanngussaq,
2. Akiani meeqqerivimmik ingerlatsinermut 2022-mut ukiunullu missiliuuteqarfiusunut 2023-2025-mut ingerlatsinissamut 4.946.080 koruuninik ilassutitut aningaasaliisoqassasoq
3. Suliaq Aningaasaqarnermut Ataatsimiititaliamut kommunalbestyrelsimullu akuerisassanngorlugu ingerlateqqinneqassasoq.

Ilinniartitaanermut ataatsimiititaliap suliamik suliarinninnera

Ataatsimiititaliap 8. juni 2021 ataatsimiinnerani innersuussutiginearput akuerineqarput.

Aningaasaqarnermut ataatsimiititaliap suliamik suliarinninnera

Ataatsimiititaliap 16. juni 2021 ataatsimiinnerani innersuussutiginearput akuersissutigineqarput.

**Innersuussut**

Aningaasaqarnermut ataatsimiititaliap Kommunalbestyrelsimut innersuussutigivaa akuereqqullugu,

1. Akiani meeqqerivimmik aallartitsinissamut ataasiartumik aningaasanik ilassutitut aningaasaliissutinik 750.000 koruuninik aningaasaliisoqassasoq, takuuk 2021-mi ingerlatsinermut missingersuutinut posteringsark atuuttusoq ilanngussaq

2. Akiani meeqqerivimmik ingerlatsinermut 2022-mut ukiunullu missiliuuteqarfiusunut 2023-2025-mut ingerlatsinissamut 4.946.080 koruuninik ilassutitut aningaasaliisoqassasoq

**Aalajangineq**

Innersuussutiginearput akuersissutigineqarput

**Ilanngussat**

***Kommunalbestyrelsip aggustip 19-iani 2021 ileqqusumik ataatsimiinnerani imaqarniliaq  
04/2021***

1. Sisimiuni Akiani meeqqerivimmut 2021-miit aamma 2022-mut ukiunullu missiliuuteqarfiusunut ingerlatsinermut missingersuutit
2. Sisimiuni ukioqangitsuniit arfinillit tikillugit ukiullit amerlassusaat



### **Imm. 3.2 Qeqqata Kommuniata Kalaallit Nunaanni Timersoqatigiit Kattuffianik isumaqatigiissuteqarnera - ilassut**

*Journal nr. 06.02.01*

#### Tunuliaqutaq

2018-imi marsip 26-ani Ilinniartitaanermut, Peqqinnermut, Kultureqarnermut Sunngiffimmullu tunngasunut ataatsimiititaliaq 02/2018-imi ataatsimiinnermini, Qeqqata Kommuniata Kalaallit Nunaanni Timersoqatigiit Kattuffianik isumaqatigiissuteqarnera akuersissutigineqarpoq.

Isumaqatigiissut 2019-imi decembarip 31-ata tungaanut atuuppoq, Peqqinnermut pinaveersaartitsinermillu politikkimi anguniakkanit kiisalu atuilluartuunissap iluani suliniuteqarfiit nutarterneqanngitsunit aallaaveqarluni. Qeqqata Kommunianu atuilluartuunissakkut suliniuteqarnermi saniatigut, sunngiffimmut, peqqinnermut pinaveersaartitsinermullu immikkoortunut arlalitsigut suliniuteqarfeqarpoq, soorlu Inuunerissaarneq aammalu Qeqqata Modeli, siusinnerusukkut isumaqatigiissut atorunnaarnerata kingorna, nutaamik nutarsakkamillu Qeqqata Kommunianu kiisalu Kalaallit Nunaanni Timersoqatigiit Kattuffiata akornanni isumaqatigiissuteqarnissamik pisariaqartitsisoqarpoq.

#### Maleruagassatigut tunngavissat

Qeqqata Kommunianu karseqarnermut naatsorsuuserinermullu malittarisassat Timersorneq timigissarnerlu pillugit Inatsisartut inatsisaat nr. 15, 6. juni 2016-imeersoq

#### Pissutsit atuuttut

Suleqatigiinnissamat isumaqatigiissutissatut siunnersuummik, Kalaallit Nunaanni Timersoqatigiit Kattuffiat Qeqqata Kommunianu nassiusaqarnikuvoq. Isumaqatigiissutissatut siunnersuummi tullinnguuttutigit siunertat aallavigineqarput:

- Meeqqanut inuusuttunullu ataatsimooqatigiinnermik peqqinnartumik akuutitsisumillu nukittorsaanissaq, taamaalionikkut 5.-10. klassimmi atuartut akornanni atugarliornerup aangajaarniutinillu atuinerup pinaveersaartinneqassalluni.
- Suleqatigiinneq Qeqqata Modelianik suliamik aallaaveqarpoq

Taamaalilluni siunnersuut pingasunik ukkataqarfeqarpoq: 1) Atuarfik Ammasoq 2) Timersorneq toqqissimasoq akuutitsisorlu aammalu 3) Kinguaariit akimorlugit ataatsimoorneq.

Ukkataqarfigisat naapertorlugit pingaarnertut anguniakkat nassuiarneqarput, tullinnguuttutigullu anguniakkanik imaqarluni:

1. Ataqtigiinnermik pilersitsineq, peqatigiiffiit, sunngiffiit, suliffeqarfiit soqutigisaqartullu allat suleqatigalugit, atuarfimmitt sunngiffimmut eqaatsumik ikaarsarneq
2. Qeqqata Kommunianu nammineq kajumissuseqarnerup nukittorsarnissaa aammalu sunngiffimmi immikkoortoq ataatsimooruq ataqatigiissaagarlu qulakkiissallugu
3. Meeqqat oqaloqatigineri aallaavigalugit sunngiffimmi neqeroorutiniq aqqissuussanik neqerooruteqarneq, sumiiffimmi periarfissat, nukittuffiit naleqartitallu aallaavigalugit
4. Meeqqat inuusuttullu amerlanerusut sunngiffimmi sammisaqartitsinernut aqqissuussanut akuunerulernissat
5. Ilaqtariinnut tulluarsakkanik sammisaqartitsinernik neqerooruteqarneq

2021-mit 2024 tikillugu isumaqatigiissut atuutissaaq, sivitsorneqarsinnaaneranut periarfissaqarluni.

Tamatuma saniatigut Qeqqata Kommuniata Kalaallit Nunaanni Timersoqatigiit Kattuffiatalu akornanni avillugu sulisussamik, Qeqqata Kommunianu suliniummut aqutsisumik atorfinitsitsisoqarnissaa, isumaqatigiissummi siunertaavoq. Qeqqata Kommuniata Kalaallit Nunaanni Timersoqatigiit Kattuffiatalu akornanni takorluukkatut isumaqatigiissutit

**Kommunalbestyrelsen aggstip 19-iani 2021 ileqquusumik ataatsimiinnerani imaqarniliaq  
04/2021**

atuuilersinneqarnissaanut, suliniummut aqutsisoq akisussaasuusaaq. Kalaallit Nunaanni Timersoqatigiit Kattuffiata isumaqatigiisummut siunnersuutaa tassaavoq, kommunimit, GIF-imit suleqatigiissitaniillu allanit sinniisoqarluni suleqatigiissitanik pilersitsisoqassasoq, tassani suliniummut aqutsisup suliniuteqarfiit tigussaasut ingerlanneqarnissaanut, aammalu Qeqqata Kommuniani innuttaasunut timimik aalatitsinerulersitsinissap, timikkut eqqarsartaatsikkullu peqqissuunissap kiisalu inuunerissaarnissaannik siunertaqartumik ataatsimoorussamik suliniuteqarnissap qulakkeerneqarnissaanut suliassaralugit.

Qeqqata Kommuniani ilinniartitaanermut ingerlatsivimmi sunngiffimmi pisortat marluupput (Maniitsumi ataaseq Sisimiunilu ataaseq) aammalu Sisimiuni Timersornermut pinngortitamullu siunnersorti ataaseq. Kulturimut/sunngiffimmut/timersornermullu sammisaqartitsinermut, immikkoortut allat qanimut suleqatigalugit immikkoortumik ingerlatsinermut, sunngiffimmut kultureqarnermullu immikkoortorta q akisussaasuvoq.

Ilinniartitaanermut immikkoortortami immikkoortorta qarfinnit assigiinngutsunit ingerlatsinerit arlaqartunit, Qeqqata Kommuniani akimortumik suliniutini, soorlu Inuunerissaarneq – Det gode Liv, Qeqqata Modelia aammalu kommunip atuilluartaunissamut suliniut il.il. suleqataaffigineqarput. Ilinniartitaanermut immikkoortortamut pisortaanerup sulisuinit ikiorneqartarpoq, ilinniartitaanermut suliniutinut assigiinngitsunut suliniummut aqutsisuulluni, ilinniartitaanermut immikkoortortap akisussaaffeqarfianut attuumassuteqartunut, ilinniartitaanermut immikkoortortami, meeqqat atuarfiani, peqqinnermut/timersornermut il.il. suliniuteqarfinnut suliniummik aqutsinissamut atuilluartaunissakkut siunnersortimik atorfeqartitsilluni.

Atuilluartaunissakkut kingunerisinnaasai

Innuttaasut peqqinnerulernissaat anguniarlugu, siunissamut ungasinnerusumut isigaluni peqqinnerulersitsinissamut, pinaveersaartitsinissamut, nammineq kajumissutsimik sulinissamut siuarsaanissamut kiisalu akimortumik suleqatigiinnissamut aningaasaliineq atuilluartauneruvoq.

Peqqinnarnerusumik inuuneqarnissamut politikikkut anguniagaqarnermut aningaasaliineq taanna tapertaassaaq.

Aningaasaqarnikkut allaffissornikkullu kingunerisinnaasai

Ilinniagartuumik suliniummut aqutsisumik avitseqatigiilluni atorfinitsitsinikkut, akissarsianut, sulisitsisup aningaasartuutaanut sulisunullu aningaasartuuteqarnermut ukiumut 250 t. koruunit missaanut Qeqqata Kommunian aningaasartuuteqassaaq.

Taamaattumik Pisortap sulisuisa ataani allatsimut qaammammusianut atuiffimmut ilassutitut aningaasaliissuteqartoqarnissaa pisariaqartinneqarpoq:

Atuiffiup normua	Atuiffiup taagutaa	Aningaasaliissutit	Ilassut	Nutaamik aningaasaliineq
541000000-1601010000-122010102-010580	Qaammammusiat kingumut	6.320.813	250.000	6.570.813

Allaffeqarfiup naliliinera

Suliniummut aqutsisup suliassaanut kiisalu illuatungeriit suliniarfiinut suleqatigiinnissamullu isumaqatigiisuttip akornanni ataqatigiinnerinut illuatungeriit paaseqatigiinnerat tunngavigalugu isumaqatigiisuteqartoqarnera, Ilinniartitaanermut immikkoortortamit pingaartinneqarpoq.

Ataatsimiititaliamit paasissutissiissutigineqartut tunngavigalugit, inaarutaasumik isumaqatigiisummik suliqaarnissamut allaffeqarfik Kalaallit Nunaanni Timersoqatigiit Kattuffianik

suleqateqarniarpoq. Taamaattumik siunertanut ukkataqarfigisanillu naapertuuttungorsaatiniq suliaqarnissaq pissusissamisoorpoq. Tamanna sunngiffimmi immikkoortortami suliniuteqarfinnut, kommunip Inuunerissaarneq – Det Gode Liv-imik suliniummut kiisalu Atuilluartuunissamut suliniutinut aamma, suliniutinut aqutsisup peqataalernissaa siunertaavoq. Suliniutini sullinniakkanik siammasinnerusunik (meeqqat immikkut pisariaqartitsisut/innuttaasut innarluutillit, utoqqaarnut timersorneq il.il.) sullitaqartunik suleqatigiisitaqarpoq, kommunillu najugaqatigiivinit isumaqatigiisummut ilanngunneqarnissamik naapertuuttunut akimorlugit suliniutaallutik.

Taamaattumik Qeqqata Kommuniani pisortaanerup sulisuinut pisortamut qaninnertut sulisuinut ilaalluni, suliniummut aqutsisoq atorfinitsinneqarnissaanut nalilerneqarpoq. Taamaaliornikkut Maniitsumi Sisimiunilu ilinniartitaanermut immikkoortortat qanimut suleqatigalugit, Qeqqata Kommuniani najugaqarfinni tamani pilersitsisinnaaneq suliniutinillu siuliniittunik qulakkeerinnittoqassaaq. Tamanna kommunimi pisortaanerup sulisoqarneratigut suliaqarfiit aallaavigalugit isiginnittumik, tassaallutik avataani suleqatit kiisalu kommunimi najugaqarfiit akimorlugit suliniuteqarfiit suliniarfiit akimorlugit suliaqarneq. Siunissaq eqqarsaatigalugu, ilinniartitaanermut immikkoortortaq kiisalu pisortaanerup sulisui suliniummut aqutsisup naapertuuttumik inissinneqarnissaanut allannguutissatut siunnersuusiorsinnaapput.

#### Allafeqarfiup innersuussutaa

Ilinniartitaanermut ataatsimiititaliamut akuereqqullugu innersuussutigineqarpoq:

- Suleqatigiinnissamut isumaqatigiissutitut siunnersuummut ilanngunneqarsinnaasunik tunniussisoqassasoq
- Isumaqatigiissutit inaarutaasumik akuersissutigineqarnissaa aningaasaqarnermut ataatsimiititaliamut innersuussutigineqassasoq
- Ullup affaanut suliniutinut aqutsisup pisortaanerup sulisuinut inissinneqarnissaa, aningaasaqarnermut ataatsimiititaliamut akuersissutigineqarnissaa ataatsimiititaliamit innersuussuteqassasoq
- Qaammammut akissarsianut atuiffimmut 541000000-1601010000-122010102-010580 2021-mi ukiunilu missiliuteqarfiusuni 250 t. koruunninik ilassutitut aningaasaliisoqarnissaanut, aningaasaqarnermut ataatsimiititaliamit kiisalu kommunalbestyrelsimit akuersissutigineqarnissaanut ataatsimiititaliaq innersuussuteqassasoq

#### Ilinniartitaanermut ataatsimiititaliap suliamik suliarinninnera

Ataatsimiititaliap 7. juni 2021 ataatsimiinnerani innersuussutigineqartut akuersissutigineqarput.

#### Aningaasaqarnermut ataatsimiititaliap suliamik suliarinninnera

Ataatsimiititaliap 16. juni 2021 ataatsimiinnerani innersuussutigineqartut akuersissutigineqarput.

2021-imut immikkut aningaasaliissutit annertussuseqassapput 125.000kr.

#### **Innersuussut**

Aningaasaqarnermut ataatsimiititaliap Kommunilbestyrelsimut innersuussutigivaa akuereqqullugu,

- Suleqatigiinnissamut isumaqatigiissutitut siunnersuummut ilanngunneqarsinnaasunik tunniussisoqassasoq
- Qaammammut akissarsianut atuiffimmut 541000000-1601010000-122010102-010580 2021-mi ukiunilu missiliuteqarfiusuni 250 t. koruunninik ilassutitut aningaasaliisoqarnissaanut, kommunalbestyrelsimit akuersissutigineqarnissaanut ataatsimiititaliaq innersuussuteqarpoq. 2021-imut immikkut aningaasaliissutit annertussuseqassapput 125.000 kr.

**Aalajangiineq**

Innersuussutigineqartut akuersissutigineqarput

**Ilanngussat**

1. Kalaallit Nunaanni Timersoqatigiit Kattuffiannik suleqatigiinnissamut isumaqatigiissut

**Imm. 3.3 Pitsaaliuermik immikkoortup Atugarissaarnermut Immikkoortortamiit  
Ilinniartitaanermut Immikkoortortamut nuunneqarnissaa**

*Journal nr. 06.02.04*

Tunuliaqutaq

Qeqqata Kommuniani Siumut, IA aamma Atassut 2021-2025-mut suleqatigiinnissamik isumaqatigiissutaani kommunimi peqqinneq, pitsaaliuineq sunngiffimmullu tunngasut pillugit suleqatigiinnissamut maleruagassaqarpoq. Suliassaqarfiit akimorlugit suleqatigiinnissamik isumaqatigiissut maannakkut ilanngunneqarpoq. Pitsaaliuermik suliassaqarfirmut ataatsimut inissisimanissaa kissaatigineqarpoq, tassa peqqinnissamut, pitsaaliuermik sunngiffimmilu suliniutit sunniuteqarluartut suliassaqarfirmi ataatsimi ataatsimut ataqatigiissarneqarluarnerussammata.

Maleruagassatut tunngavissat

Siumut, IA aamma Atassut akornanni 2021-2025-mut suleqatigiinnissamut isumaqatigiissut Kommunimi pisinnaatitaaffeqarneq Kommunip susassaqarfiini aqutsinermut ileqqoreqqusaq

Pissutsit atuutut

Ilinniartitaanermut Ataatsimiititaliaq siunissami pisortani suliassaqarfiit akimorlugit pitsaaliuineq aammalu peqqinneq pillugit suleqatigiilluarnerup ineriartorteqqinnissaata qulakkeernissaanut pingaarutilerujussuuvoq. Uani pineqarput kommuni, politiit, pinerluuteqarsimasunik isumaginnittoqarfik. peqqinnissaqarfik, kigutileriffik, Paarisa allallu attuumassutillit. Kommunimit neqeroorutit peqatigiiffiillu nammineq kajumissutsiminnik ingerlatsisut akornanni sunniivigeqatigiinneq aamma pitsaaliuinerup iluani nukittorsarneqarsinnaasuni aamma suleqatigiiffiusinnaavoq. Ataatsimiititaliaq aamma Kommunip nammineq ingerlatsiviisa akornanni peqqinnerulernissamut aamma pitsaaliuinerup politikikkut ataatsimiititaliaq assigiinngitsut akornanni suleqatigiinnissamut aamma qulakkeerinnittuussaaq.

Ataatsimut pitsaaliuinerup peqqissutsimillu siuarsaaneqarup ilaat aamma soorunami Ilinniartitaanermut ataatsimiititaliaq nammineq oqartussaqaarfiisa ataani sunngiffimmut tunngasuniipput. Taamaalilluni Pitsaaliuermik siunnersortit aamma sunngiffimmi pisortat ataani inissisimalissapput. Sunngiffimmi pisortat suliassat allatut ilusilersoqqinneqassapput, suliassat allat Immikkoortortamut agguataarneqassallutik. Sunngiffimmut, pitsaaliuinerup peqqinnermullu tunngasut ataatsimut kattunneratigut Inuunerissaarneq aamma Qeqqata model-ip nammineq suliniutigisaannut nukittorsataassaaq.

Pingaaruteqarporlumi immikkoortortaqarfirmi nutaassami suliassat ukkatarineqartussallu naleqqersuusiornissat.

Aningaasaqarnikkut allaffissornikkullu kingunerisinnaasai

Pitsaaliuermik siunnersortit pingasut atorfeqarput, Sisimiut marluk Maniitsumilu ataaseq. Atorfiit taakkua Atugarissaarnermut immikkoortortamiik Ilinniartitaanermut Immikkoortortamut nuunneqassapput. Taamaalilluni akissarsianut aningaasartuutit Atugarissaarnermut Immikkoortortamiit Ilinniartitaanermut Immikkoortortami missingersuutitigut nuunneqassallutik.

Akissarsianut aningaasaliissutit, ukioq manna nuunneqartussat 2021-mi qaammatinut sisamanut atuutissapput. Pitsaaliuermi siunnersortimut akissarsiat 27.062,- koruuniupput. 2021-imi septembarimiik decembarimut qaammatinut sisamanut akissarsiat sulisut amerlassusiligaaneranut ataatsimut 108.248,- koruuniuvoq, sulisunullu marlunnut 216.496,- koruuniulluni.

**Kommunalbestyrelsep aggstip 19-iani 2021 ileqquusumik ataatsimiinnerani imaqarniliaq  
04/2021**

<b>Atuiffik</b>	<b>Suunera</b>	<b>Aningaasaliissut 2021</b>	<b>Ilassut</b>	<b>Nutaamik aningaasaliineq</b>
551020201- 0501015190- 122010102- 010580	Ilaqutariinnut Sullissivik, Sisimiut, Qaammammusiat kingumut	3.552.528	-216.496	3.336.032
552020201- 0501015190- 122010102- 010570	Ilaqutariinnut sullissivik, Maniitsoq Qaammammusiat kingumut	2.288.000	-108.248	2.179.752
571010000- 1601010000- 122010102- 010580	Ilinniartitaanermut Immikkoortortaq, Sisimiut, Qaammammusiat kingumut	3.943.632	+216.496	4.160.128
572010000- 1601010000- 122010102- 010570	Ilinniartitaanermut Immikkoortortaq, Maniitsoq, Qaammammusiat kingumut	2.087.925	+108.248	2.196.173
	<b>katillugit</b>	11.872.085	0	11.872.085

2022-mut akissarsianut aningaasaliissutit ukiunullu missiliuteqarfiusunut nuunneqartussani pineqarput pitsaaliuineri siunnersortimut ukiumut akissarsiassat. Pitsaaliuinermit siunnersortimut ukiumut akissarsiat 324.744,-voq, sulisunullu marlunnut 649.488,- koruuniulluni.

2022-mut ukiunullu missiliuteqarfiusunut missingersuutitut nuutitsineri ukiumut aningaasartuutit ima isikkoqarput:

<b>Atuiffik</b>	<b>Suunera</b>	<b>Aningaasaliissut 2021</b>	<b>Ilassut</b>	<b>Nutaamik aningaasaliineq</b>
551020201- 0501015190- 122010102-010580	Ilaqutariinnut Sullissivik, Sisimiut, Qaammammusiat kingumut	3.552.528	-649.488	2.903.040
552020201- 0501015190- 122010102-010570	Ilaqutariinnut sullissivik, Maniitsoq, Qaammammusiat kingumut	2.288.000	-324.744	1.963.256
571010000- 1601010000- 122010102-010580	Ilinniartitaanermut Immikkoortortaq, Sisimiut, Qaammammusiat kingumut	3.943.632	+649.488	4.593.120
572010000- 1601010000- 122010102-010570	Ilinniartitaanermut Immikkoortortaq. Maniitsoq.	2.087.925	+324.744	2.412.669

**Kommunalbestyrelsip aggstip 19-iani 2021 ileqquusumik ataatsimiinnerani imaqarniliaq  
04/2021**

	Qaammammusiat kingumut			
	<b>katillugit</b>	11.872.085	0	11.872.085

Allaffeqarfiup naliliinera

Peqqinnermut, pitsaaliuinnermut sunngiffimmilu tunngasut nukittorsarnerisigut, Inuunerissaarnermi suliniutit aamma Qeqqata Model kiisalu Inuuneritta 3-p suliniutaannut suliniutillu allat ataatsimut ingerlanneqarsinnaalissapput.

Allaffeqarfiup innersuussutaa

Atugarissaarnermut immikkoortortap Atugarissaarnermut ataatsimiititaliamut innersuussutigaa,

- Pitsaaliuinnermut siunnersortitut atorfiit pingasut, taakkunani Sisimiuni marluk Maniitsumilu ataaseq Atugarissaarnermut Immikkoortortamiit Ilinniartitaanermut immikkoortortamut nuunneqarnissaat akuersissutigineqassasoq
- Qulaani 2021-mut eqitsimmi takutinneqartut akissarsianut aningaasaliissutinik kiisalu qulaani takutinneqartut 2022-mut ukiunullu missiliuuteqarfiusunut missingersuutitigut nuutitsinissaq akuersissutigineqassasut
- Suliaq inaarutaasumik akuerisassanngorlugu Aningaasaqarnermut Ataatsimiititaliamut aamma Kommunalbestyrelsimut ingerlateqqinneqassasoq

Ilinniartitaanermut immikkoortortamit Ilinniartitaanermut Ataatsimiititaliamut akuereqqullugu innersuussutigineqarpoq:

- Pitsaaliuisutut atorfiit pingasut, tassannga Sisimiuni marluk aamma Maniitsumi ataaseq Atugarissaarnermut Immikkoortortamiit Ilinniartitaanermut Immikkoortortamut nuunneqarnissaat akuersissutigineqassasoq
- Qulaani 2022-mut eqitsimmi akissarsianut aningaasaliissutinik kiisalu eqitsimmi ukiunut missiliuuteqarfiusunut missingersuutitigut nuutitsinissaq akuersissutigineqassasut
- Suliaq inaarutaasumik akuerisassanngorlugu Aningaasaqarnermut Ataatsimiititaliamut aamma Kommunalbestyrelsimut ingerlateqqinneqassasoq

Atugarissaarnermut ataatsimiititaliap suliamik suliarinninnera

Ataatsimiititaliap 3. august 2021 ataatsimiinnermini innersuussut akuersissutigivaa.

Ilinniartitaanermik ataatsimiititaliap ilanngussatut Organisationsdiagram-imik ikkussisoqarnissaa kissaatigineqarpoq.

Ilinniartitaanermut ataatsimiititaliap suliamik suliarinninnera

Ataatsimiititaliap 3. august 2021 ataatsimiinnerani innersuussut akuersissutigineqarpoq.

Aningaasaqarnermut ataatsimiititaliap suliamik suliarinninnera

Ataatsimiititaliap ataatsimiinnermini 10. August 2021 innersuussut akuersissutigivaa.

**Innersuussut**

Aningaasaqarnermut ataatsimiititaliap Kommunalbestyrelsimullu innersuussutigivaa akuereqqullugu,

-Pitsaaliuinnermut siunnersortitut atorfiit pingasut, taakkunani Sisimiuni marluk Maniitsumilu ataaseq Atugarissaarnermut Immikkoortortamiit Ilinniartitaanermut immikkoortortamut nuunneqarnissaat akuersissutigineqassasoq

-Qulaani 2021-mut eqitsimmi takutinneqartut akissarsianut aningaasaliissutinik kiisalu qulaani takutinneqartut 2022-mut ukiunullu missiliuteqarfiusunut missingersuutitigut nuutitsinissaq akuersissutigineqassat

**Aalajangiineq**

Innersuussutigineqartut akuersissutigineqarput

**Ilanngussat:**

1. Indlægningsark flytning forebyggelse 2021
2. Indlægningsark flytning forebyggelse 2022 og overslagsårene



**Imm. 3.4 Inuit innarluutillit inatsisaat malillugu piunasaqaatit matuneqarnissaat pillugu aningaasanik immikkut aningaasaliissuteqarnissaa pillugu qinnuteqaat immikkut aammalu sulisut ilaneqarnissaannik akuerineqarnissaa**

*Journalnr. 06.02.01*

Tunuliaqutaq

Saqqummiunneqartoq suliareneqaqqaarpoq atugarissaanermut ataatsimiititaliamiit maajit 31-viani ukioq manna, kingorna Aningaasaqarnermut ataatsimiititaliamiit juni 11-viani. Suliaq utertinneqarpoq aningaasaqarnermut ataatsimiititaliamiit konto-mik nassaartoqaqqullugu. Suliaq misissoqqinneranni paasineqarpoq aningaasat pineqartut inissinneqarsimasut bloktilskudsmodel-imi takuneqarsinnaasut kakkiussaq 1-imi, taamasilluni suliaq allanngortinneqarpoq immikkut qinnuteqaatit. Bloktilskudsmodel 26 mill . kr-imek naleqarpoq, taakkua 5 mill massakut qinnutigineqarput atugarissaarnerup ataaniilissisasut.

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersup atuutilernissaanut Nalakkersuisut Qeqqata Kommunianut aningaasanik 5 million kr. tapiissutinik ukiumut bloktilskudsmodel-imiit aqputigalugu inatsimmi piunasaqaatit matussuserneqarnissaannut atugassaanut tapiissuteqarput 2020-imi.

Inatsisartut inatsisaat atuutilertinneqarneraniit inuit innarluutillit tapersersorneqarnissaminnik pisariaqartitsisut tamarmik ukioqanngitsuniit utoqqarnut periarfissaqalernikuupput. Tamatumalu kinguneranik inuit sullinneqarnissaminnik piginnaatitaaffillit Qeqqata Kommuniani amerlariarput.

Tamannalu pillugu immikkoortortami sullissisut amerlinissaat pisariaqalerluni, aammalu inatsisimi piunasaqaatit annertusineqarnerisigut aningaasaliiffiqeqartariaqartut arlaqarlutik.

Maleruagassatigut tunngavissat

Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersup § 6. Inatsisartut inatsisaat manna, ukiut apeqqutaatinnagit, inunnu innarluutilinnut Kalaallit Nunaanni najugaqartunut, atuuppoq.

*Imm. 2.* Inuit innarluutillit tassaapput inuit ataavartumik timikkut, tarnikkut, silassorissutsikkut imaluunniit malugisaqarsinnaanikkut piginnaanikillissimasut, aporfii illu assigiinngitsut sunniivigeqatigiinnerisigut, allat assigalugit inuiaqatigiinni tamakkiisumik sunniuteqarluartumillu peqataanissaannut akornuserneqartut.

*Illersuisoq*

§ 24. Illersuisoqarnermik aqqissuussineq kommunalbestyrelsimit pilersinneqassaaq siunertaralugu inuup innarluutillip illersuisumit tapersersorneqarnissaa:

1) Inatsisartut inatsisaat manna malillugu kommunalbestyrelsen tapersiinnissaq pillugu suliamik suliarinninnerani,

Tapersersortitut ikiorti

§ 42. Inummum innarluutilimmum, pingaarutilimmik timikkut, tarnikkut, silassorissutsikkut imaluunniit malugisaqarsinnaanikkut piginnaanikillissimasumut, nammineq angerlarsimaffimmini nammineersinnaanissamut, najugaqatigiiffimmi imaluunniit najugaqarfimmi illersugaasumi isumaginninnikkut perorsaasumit tapersersorneqarnissamik pisariaqartitsisumut, tapersersortitut ikiortimik kommunalbestyrelse neqerooruteqassaaq.

*Imm. 2.* Inuk innarluutilik, taassuma tarnikkut, timikkut inooqatigiinnikkullu ineriartorneranut kiisalu ulluinnarni suliasaminik suliaqarnissaanut tapersersortitut ikiortip ikiortassavaa, matumani angerlarsimaffiup avataani ikiuneq ilanngullugu.

Imm. 3. Imm. 1 malillugu aalajangiinnermut ilaatillugu sapaatip akunneranut nalunaaquttap akunnerisa tapersersuinnermut atorneqartussat amerlassusissaat kommunalbestyrelsip aalajangersassavai.

Imm. 4. Tapersersortitut ikiorti kommunalbestyrelsimut atorfinitsinneqartassaaq.

Imm. 5. Tapersersortitut ikiortit pillugit maleruagassanik erseqqinnerusunik Naalakkersuisut aalajangersaasinnaapput, matumani ilanngullugit:

1) piukkunnassutsinut piginnaasaqarfinnullu piumasagaatit, kiisalu

2) pineqaatissinneqarsimannginnermut uppersaammik aamma meeqqanik pinerliisimannginnermut uppersaammik piniartarneq.

Nuunnissamat ikiorsiissutit

§ 43. Meeqqamat innarluutilimmut angajoqqaatut akisussaasusunut, kommunip iluani najukkap nuuneqarnerani aningaasartuutit matussutissanik, kommunalbestyrelse aningaasanik tapersiisamik neqerooruteqarsinnaavoq, pisuni makkunani:

Illerfimmik angallassineq

§ 59. Inuk innarluutilik najugaqarfissatut neqeroorumi, nunagisap avataaniittumi najugaqartoq najugaqarnermini toqkuk qimaguppat, illerfiup assartornissaanut aningaasartuutit tamakkiisumik ilaannakortumilluunniit matussutissaanut kommunalbestyrelse tunniussisinnaavoq.

Nakkutilliineq

§ 62. Kapitali 9-mi aalajangersakkat malillugit inummut innarluutilimmut najugaqarfissatut neqeroorumiittumut, inummut sammititamik kommunimi angerlarsimaffigisami kommunalbestyrelse nakkutilliissaaq. Nakkutilliinnermut ilaatillugu, najugaqarfissatut neqeroorumiinnermi inuup timikkut, tarnikkut inooqatigiinnikkullu pisariaqartitai sulii naammassineqarnerisut kommunalbestyrelsip qulakkiissavaa.

Pissutsit atuuttut

Maniitsumi Sisimiunilu inunnik innarluutilinnik sullississut maannamut katillugit sisamaapput, tassa illoqarfiit immikkut marlunnik sullissisoqarlutik.

Inatsisartut inatsisaata atuutilerneraniit sullitassat amerleriarnikuupput, inatsimmi nutaami ukiut apeqqaatinnagit atuutileramat.

Tamannalu pillugu immikkoortortami sullississut amerlinissaat pisariaqalerluni, aammalu inatsisimi piumasagaatit annertusineqarnerisigut aningaasaliiffiqartariaqartut arlaqarlutik.

Tassani aamma pineqarlutik illersuisumut/Najortimut tunngasut nakkutilliinnermullu tunngasut. Inatsimmut nutaamut malitsigitillugu illersuisumik/najortimik neqerooruteqartalernissaq piumasagaataavoq.

Ilanngullugu illersuisunut / Najortinut pikkorissariarnissaannik piumasagaatitaqartut

Kalaallit nunaanni ulloq unnuarlu najugaqarfiusunik nakkutilliisarnissaq Kommuninut piumasagaataalernikuuvoq, tamannalu nutaajummat sullississusamik pilersitsisariaqarluta aammalu angalattisalernissamik malitseqartussaq.

Ataani takuneqarsinnaapput ullumikkut sullinneqartut amerlassusii Sisimiuni Maniitsumi nunaqarfiinilu inissisimasut.

**Kommunalbestyrelsip aggstip 19-iani 2021 ileqqusumik ataatsimiinnerani imaqarniliaq  
04/2021**

Sisimiut

Tapersersorteqarnissamik pisariaqartitsisut

	Tapersersortariaqartut	Illoqarfimmi	Najugaqatigiiffinni
Utoqqaat innarluutillit	50		
Tarnikkut innarlutillit		25	30
Timikkut innarluutillit		16	
Meeqqat innarluutillit		13	
Katillugit	50	54	30

Najugaqatigiiffiit

Sisimiut	Najugaqartut
Umiivitsisaq 3	3
Umiivitsisaq 9	3
Umiivitsisaq 49	3
Umiivitsisaq 23	3
Umiivitsisaq 13	3
Chr.28-ip aqq.31	3
Aqqartarfik 6-13	3
Aqqartarfik 5-307	4
Aqqartarfik 5-207	4
Deichmannip aqq. 8	13
Katillugit	42

Ulloq unnuarlu angerlarsimaffinni najugaqartut

Sumiiffik	Najugaqartut
Qupanuk Utoqqaat angerlarsimaffiat	2
Sungiusarfik Aaqa Nuuk	1
Elisibannguaq Maniitsoq	1
AJA Nuuk	1
Palleq Paamiut	1
Ivaaraq Qaqortoq	1
Sungiusarfik Ikinngut	1
Qallunaat nunaanni	11
Qalunaat nunaanni pineqaatissinneqarsimanermi inissitat	1
Ulloq unnuarlumiittut katillugit	20

Maniitsoq

Tapersersorteqarnissamik pisariaqartitsisut

	Tapersersortariaqartut	Illoqarfimmi	Najugaqatigiiffinni
Utoqqaat innarluutillit	36		
Tarnikkut innarlutillit		29	11
Timikkut innarluutillit		14	
Meeqqat innarluutillit		8	
Katillugit	36	51	11

Najugaqatigiiffiit

**Kommunalbestyrelsen aggstip 19-iani 2021 ileqqusumik ataatsimiinnerani imaqarniliaq  
04/2021**

Maniitsoq	Najugaqartut
MIKI Innarluutilinnut inissiami lejliged pingasut (002,003 og 004)	3
NASIFFIK Esbjergvej 402 Blok	4
KATAK Tunoqqusaaq 833, -A2 Blok	4
Najugaqaqatigiiffinniittut katillugit	11

**Ulloq unnuarlu angerlarsimaffinni najugaqartut**

Sumiiffik	Najugaqartut
Neriusaaq Maniitsoq (Utoqqaat angerlarsimaffiat)	5
Sungiusarfik Aaqa Nuuk	2
Elisibannguaq Maniitsoq	4
AJA Nuuk (uulinerup immikkoortortaa)	1
Qallunaat nunaanni	7
Qallunaat nunaanni Pineqaatissinneqarsimanermi inissitat	2
Ulloq unnuarlumiittut katillugit	21

Atuilluartuunissakkut kingunerisinnaasai

Sisimiuni Maniitsumilu Atugarissaarnermut immikkoortortaqarfiit Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019- imeersoq atuutilerneraniit Nalakkersuisut aningaasat ukiumut 5 million koruunit Qeqqata kommunianut matussutissatut tapiissutigineqartalerput, bloktilskudsmodel aqqutigalugu.

Aningaasallu immikkoortortaqarfinnut nuunneqarneratigit inatsisini piumasaqaatit naammassinissaanut periarfissaqarnerulissaaq. Sullissisullu amerlanerisigit inuttaasunik sullissineq oqinnerulissaaq, aammalu Qeqqata Kommunianilu inuit innarluutillit sullinneqarnerat pitsaanerulissalluni.

Aningaasaqarnikkut allaffissornikkullu kingunerisinnaasai

Eqitsik 1

Maniitsoq	Amerlassutsit	Akiss. Kr.	Katillugit Kr.	Ukiumut Kr.
Socialrådgiver-inik atorfinitsineq	2	29.830	59.660	715.920
Illersuisut / Najorti			5.000	5.000
Tapersorsortit tiimii ilallugit	10			1.104.080
Illerfimmik angallassinerit			30.000	30.000
Nuunnissamat ikiorsiissutit			150.000	150.000
Aningaasartuutissat katillugit				2.005.000

Eqitsik 2

Sisimiut	Amerlassutsit	Akiss. Kr.	Katillugit Kr.	Ukiumut Kr.
Socialrådgiver-inik atorfinitsineq	2	29.830	59.660	715.920
Illersuisut / Bisidder			5.000	5.000
Tapersorsortit pisoq-miittut ilallugit, Pisoq aningaasaqanerat qaffanneqassaaq una aqqutigalugu.	15			1.656.120

**Kommunalbestyrelsen 19-iansi 2021 ileqquusumik ataatsimiinnerani imaqarniliaq  
04/2021**

Illerfimmik angallassinertit			30.000	30.000
Nuunnissamut ikiorsiissutit			150.000	150.000
Aningaasartuutissat katillugit				2.557.040

**Eqitsik 3**

Qeqqata Kommunian ataatsimoorussa / Fælles	Amerlassutsit	Qaammammuk kr.	Ukiumuk kr.
Ulloq unnuarlu angerlasimaffinni nakkutilliisok	1		
Nakkutilliisok		29.830	357.960
Angalanernut unnuinerit ullormusiassat			80.000
Aningaasartuutissat katillugit			437.960

**Allaffeqarfiup naliliinera**

Atugarissaarnermut Immikkoortortaqarfik Sisimiut Maniitsorlu naliliipput, Inuit innarluutillit tapersorsorneqarnissaannut Inatsisartut inatsisaat nr. 13, 12. juni 2019- imersoq atuutilerneraniit Nalakkersuisut aningaasat ukiumut 5 million koruunit Qeqqata kommunianut Bloktiskud aqqutigalugu matussutissatut tapiissutigineqartalerput.

Aningaasallu immikkoortortaqarfinnut nuunneqartariaqartut inatsisartut inatsisaani piumasagaatit naammassinissaanut atugassatut, aammalu sulisut amerlanerisigut inuttaasunik sullissineq oqinnerulersitsisussaammat sullissinneq sukkanerulertussaalluni. Ilanngullugu Qeqqata Kommuniani inuit innarluutillit sullinneqarnerat pitsaanerulertussaalluni.

**Allaffeqarfiup innersuussutaa**

Atugarissaarnermut Immikkoortortaqarfik Sisimiut Maniitsok Atugarissaarnermut Ataatsimiititaliamut innersuussutigivaa:

- Akuereqqullugu aningaasaliiffiusumi 2021-imi ukiunilu tulliuuttuni
  1. Eqitsik 1. Maniitsumut aningaasanik qaffanneqarnissaa kr. 2.005.000,-
  2. Eqitsik 2. Sisimiunut aningaasanik qaffanneqarnissaa kr. 2.557.040,-
  3. Eqitsik ataatsimoorussamik aningaasartuutissat qaffanneqarnissaa kr. 437.960,-
- Suliaq naggataasumik akuerneqarnissaanut nassiunneqassasoq Aningaasaqarnermut ataatsimiititaliamut aamma Kommunalbestyrelse-mullu.

**Atugarissaarnermut ataatsimiititaliap suliamik suliarinninnera**

Ataatsimiititaliap 3. august 2021 ataatsimiinnerani innersuussut akuersissutigineqarpoq suliarlu naggataasumik akuerneqarnissaanut Aningaasaqarnermut ataatsimiititaliamut aamma Kommunalbestyrelsemullu nassiunneqassasoq.

**Aningaasaqarnermut ataatsimiititaliap suliamik suliarinninnera**

Ataatsimiititaliap 10. August 2021 ataatsimiinnermini innersuussut akuersissutigivaa.

**Innersuussut**

Aningaasaqarnermut ataatsimiititaliap Kommunalbestyrelsimullu innersuussutigivaa,

- Akuereqqullugu aningaasaliiffiusumi 2021-imi ukiunilu tulliuuttuni
  1. Eqitsik 1. Maniitsumut aningaasanik qaffanneqarnissaa kr. 2.005.000,-

2. Eqitsik 2. Sisimiunut aningaasanik qaffanneqarnissaa kr. 2.557.040,-
3. Eqitsik ataatsimoorussamik aningaasartuutissat qaffanneqarnissaa kr. 437.960,-

### **Aalajangiineq**

Innersuussutigineqartoq taamak isikkoqartillugu itigartitsissutigineqarpoq.

Innersuussutinut taarsiullugu innarluutilinnut sullissisut (socialrådgiver) Sisimiuni marlunnik Maniitsumilu marlunnik amerlineqarnissaat anguniarlugu 2021-imut immikkut 477.280kr.-inik ukiunilu tulluuttuni missiliuteqarfiusuni ukiumut 1.431.840kr.-inik aningaasaliisoqarnissaa innersuussutigineqarpoq

Innersuussutit taarsiunneqartut akuersissutsigineqarput

### **Ilanngussat**

1. Kommuninut tapiissutit atorneqarneri agguataarneqarnerilu

#### **Imm. 4.1 Oqaluuserisassatut siunnersuut – Meeqqanut Inuusuttunullu politikkimik 2010-meersumik nalilersueqqinneq**

*Journal nr. 01.10.31*

##### Tunuliaqutaq

2021-mi maajip 26-ani mailikkut Kommunalbestyrelsimi ilaasortamit Kirstine Olsen-imit oqaluuserisassatut siunnersuuteqarluni kommunalbestyrelsimi oqaluuseriassatut siunnersuuteqarpoq. “*Matumuuna Qeqqata Kommuneani Meeqqaanut Inuusuttunullu politikki 2010-meersoq nalilersoqqitassatut, nutaanillu suliniutinik suliniuteqartoqaqqinnissaanut nalilersugassatut oqaluuserisassannngortikkusuppara.*

*Tunuliaqutaq: Oqaluuserisassannngortitsinermut tunngaviuvoq Meeqqanut Inuusuttunullu politikkip ullutsinnut naleqquttumik inissinneqarnissaa pingaaruteqarmat, taamatullu meeqqat inuusuttullu suliniarfiginissannut politikkip sullisseqqinnissamat tunngaviussamat.*

*Inuusuttut atuareerlutik ingerlariaqqinngitsoortut suliniarfiginissai pingaaraaruteqarlunnarput, taamatullu meeqqerivimmi utaqqisitsisarneq qanoq iliuuseqarfigineqartariaqarpoq. Tassani Qeqqata Kommuniani ukiuni kingullerni talimani meeqqat atuarfianiit inuusuttut uniinnartartut kiisalu Majoriamit sullinneqarnikuusut qassiunerisa amerlassusaat pillugu kisitsisitigut takussutissat paaserusunnarput. Taamatutaaq massakkut meeqqat meeqqerivimmut isernissaminnut qassit utaqqisuutigineqarnersut paaserusunnarpoq.*

*Asaaneerani meeqqat atuannngiffeqarneranni Qeqqata kommuniata sunngiffimmi sammisassanik suliniuteqarnera ersarinnerusariaqarpoq annerusumillu malunnartinneqartariaqarluni - meeqqanut tamanut neqeroorutaasumik ingerlatsisoqartariaqarluni. Uani kulturikkut suliaqartunut aningaasaliinikkut aamma asaaneerani suleqatigiisitat assigiinngitsut katiternerisigut aasaq manna / taamaangippat ukiuni tulluittuni ingerlanneqarsinnaasorigakku. Atuarfiit asaaneerani atorneqanngitsut susassaqaartitsinermut atorluarneqarsinnapput, timersornermik suliaqartut aammalu sunngiffimmi siunnersortit / pinaaveersaartitsisut peqatigiillutik aamma suliniuteqarnerisigut susassaqaartitsineq annertusarneqarsinnaalluni.*

*Susassaqaartitsinissap meeqqat akornanni qinngasaaruttarneq pinaveersaartissavaa, taamatullu illoqarfiit / nunaqarfiillu iluini aserorterisarnerit ingalassimaartinneqassapput, meeqqallu ineriartortinneqassallutik. Sisimiuni Naluttarfiup atorunnaarnerata taarserneqannginnera arlaatigut iliuuseqarfigineqarnissaa kissatiginarpoq”.*

##### Maleruagassatigut tunngavigisaq:

Meeqqat tapersorneqarnissaannut Inatsisartut inatsisaat nr. 20, 26. juni 2017-imeersoq (§3 imm. 3)

##### Pissutsit atuuttut

Maniitsup Sisimiullu meeqqanut inuusuttunullu politikkiisa assigiissaarneqarneranut atatillugu, Maniitsumi Sisimiunilu Ilaqutariinnermut immikkoortortaq aamma Ilinniartitaanermut immikkoortortaq Qeqqata Kommunianut politikkimik ataatsimoortumik atuutsitsilernissamik sulaiqarnikuupput, **kommunalbestyrelsillu nalinginaasumik ataatsimiinnerani 02/2010, 2010-mi aprilip 28-ani politikki** akuersissutigineqarpoq.

Meeqqanut inuusuttunullu politikki 2010-meersoq meeqqanut inuusuttunullu taakkulu inuunermut isiginninnerannik aallaaveqarpoq aammalu politikki meeqqat inuusuttullu meeraanermut inuusuttuunermullu peqqinnartumut inerikkiartuutaasumullu pisinnaatitaaffinnik qulakkeerinninnissamat peqataasussaagaluarpoq, tassani ilinniarnaq, sunngiffik aamma kulturikkut

neqeroortuutaasut atorreqartussaallutik. Politikkimik peqatigiiffinnik, namminersorlutik inuusutissarsiutilinnik, kattuffinnik namminersortunik aamma nunaqarfinnik akuutitsinikkut sumiiffinni innuttaasut peqataatillugit akuutinniarneqarnikuupput. 2010-mi marsip 17-iani Ilaqutariinnermut ataatsimiititaliap aamma 2010-mi marsip 23-ani Ilinniartitaanermut, Kulturimut Sunngiffimmilu ataatsimiititaliap ataatsimiinnerani politikki eqqartorneqarpoq kommunalbestyrelsillu nalinginnaasumik 02/2010 2010-mi aprilip 28-ani ataatsimiinnerani inaarutaasumik akuersissutigineqarluni. 2010

#### Atuilluartuunissakkut kingunerisinnaasai

Meeqqat inuusuttullu siunissaraavut. Taamaattumik kommuni ullutsinnut naleqquttumik meeqqanut inuusuttunullu politikkimik peqarnissaa atuilluartuuneruvoq.

#### Aningaasaqarnikkut allaffissornikkullu kingunerisinnaasai

Kommunip meeqqanut inuusuttunullu politikianik nalilersueqqinneq aningaasaqarnikkut kinguneqarnissaa naatsorsuutigineqanngilaq, kisiani innuttaasunut ataatsimiititsinernut aammalu Meeqqanut inuusuttunullu politikkimik naqiterisinnaaneq aningaasartuuteqassaaq.

#### Allaffeqarfiup oqaaseqaatai

Meeqqanut inuusuttunullu politikkimik 2010-meersumik nalilersueqqinnissaaq pillugu siunnersuut allaffeqarfiup iluaraa.

Taamanikkorniilli immikkoortumi pisoqarnikorujussuuvoq, aammalu taamaattumik kommunip meeqqanut inuusuttunullu takorluugai anguniagaatalu eqqarsaatigeqqinneqarnissaat nutarsarneqarnissaallu pingaartinneqarpoq. Politikki nutartigaq meeqqanut inuusuttunullu iliuusissatut pilersaarummik aamma allannguineramik suliniuteqarnermut peqataasinnaavoq.

Politikki aammattaq anguniagassat angunissaasa iluatsinnissaanni kommunimit innuttaasunit suut natsorsuutaanersut ersarissarneqarsinnaapput.

#### Allaffeqarfiup innersuussutai

2010-mi politikki akuersissutigineqarneraniit pisoqarnikorujussuummat Meeqqanut Inuusuttunullu politikkip nalilersorneqarnissaa allaffeqarfiup innersussutigivaa, aammalu taamaattummik Meeqqanut Inuusuttunullu politikimmik nutaamik nalilersukkamik suliaqarnermik siunnersuusiornikuulluni ukuninnga peqartumik:

- Politikkimik nalilersueqqinnermik suliniutit aqunneqarnissaannut piffissanut pilersaarut atorreqassaaq. Uani ilaatigut uppersarneqassaaq, suliniuteqaqatigiinni ilaasortat, suliniummi piffissat anguniakkallu, akisussaaqatigiit piffissatullu pilersaarutit (takuuk ilanngussaaq 1).
- Suliniuteqaqatigiit ilanngussaannik aallaavilimmik politikki nalilersoqqinneqassaaq, politikkilu suliaareersoq illuatungerisanut attuumassutilinni tusarniutissanngorlugu nassiunneqassaaq.
- Politikkimik nalilersueqqinnermi ilanngunneqartussatut imaluunniit isumassarsiorfissaatut atorreqarnissaat tullinnguuttut inassutigineqarput:
  - Naalagaaffiit Peqatigiit meeqqat pisinnaatitaaffii pillugit isumaqatigiissutaat
  - Naalagaaffiit Peqatigiit nunarsuaq tamakkerlugu anguniagaat
  - Inatsit
  - Qeqqata Modelli
  - Inuunerissaarneq
  - Inuuneritta III - Meeqqat inuunerissut
  - Qeqqata Kommuniata suleqatigiinnissamut isumaqatigiissutaa 2021



### **Innersuussut**

Allaffeqarfiup kommunalbestyrelsimut innersuussutigaa

- Meeqqanut Inuusuttunullu politikkimik nalilersueqqinnissaq akuersissutigineqassasoq, takuuk allaffeqarfiup innersuussutaa
- Piffissamut pilersaarut aammalu Inuunerissaarneq - Det gode liv kiisalu Qeqqata Modelimut aqutsisoqatigiit suliniummi aqutsisoqatigiinni pilersinneqartumi ilaatinneqassasut akuersissutigineqassasoq.

### **Aalajangiineq**

Innersuussutigineqartut akuersissutigineqarput.

### **Ilanngussat**

1. Qeqqata Kommuniani Meeqqanut Inuusuttunullu politikkimik nalilersueqqinnermi piffissatut pilersaarutitut siunnersuut

**Imm. 4.2 Sapaatit akunnerisa naanerini meeqqerivimmik ammatitsisarnissamik  
siunnersuut**

*Journal nr. 44.03*

Tunuliaqutaq

Kommunalbestyrelsesemi ilaasortaq Karl Lyberth ulloq 18. maaji 2021 e-mailikkut oqaluuserisassanngortitsivoq:

*“Illoqarfinni nunaqarfinnilumi suliffeqarfiit amerlasuut, soorlu aalisakkanik suliffissuit, pisiniarfiit, utoqqaat illui, allallu sapaatip akunnerani ullut tamaasa suliffiusariaqartarput. Suliffeqarfiit tamakkua sulisui ikigisassaannngitsut sapaatit akunnerisa naannerini (arfininngorneq sapaallu) meeqqaminnik paarsisussaaleqisarneq annertuumik ajornartorsiutigisarpaat. Tamatuma ilaatigut kingunerisarpaa aalisakkanik suliffissuit arfininngornikkut sapaatikkullu sulisussaminnik ajornartorsiuteqalerneru.*

*Ajornartorsiut pineqartoq qaangerneqarsinnaavoq arfininngornikkut, immaqalu aamma sapaatikkut, meeqqerivimmik ataatsimilluunniit ammasoqartalerneratigut.*

*Ajornartorsiut pineqartoq qaangerusunnaqimmat neriuppunga siunnersuut akuerineqarumaartoq.”*

Maleruagassatigut tunngavissat

Meeqqanut suli atualinngitsunut perorsaannikkut inerikkiartuutaasunik ulluunerani neqeroorutit pillugit Inatsisartut inatsisissaattut siunnersuut nr. 16, 3. december 2012-meersoq

**Innersuussut**

Innersuussutigineqarpoq suliaq eqqartoriarlugu Ilinniartitaanermut ataatsimiititaliamut suliarisassanngorlugu ingerlatinneqassasoq

**Aalajangiineq**

Innersuussutigineqartoq taasinermik inernilerneqarpoq

Innersuussummut akuersisut: 6

Jens M. Lyberth, Karl Lyberth, Abel Enoksen, Steffen Johansen, Siverth K. Heilmann, Barnabas Larsen

Innersuussummut itigartitsisut: 8

Malik Berthelsen, Evelyn Frederiksen, Kirstine Olsen, Gideon Lyberth, Aqqalu Skifte, Juliane Enoksen, Nivi H. Efraimsen, Anna Karen Hoffmann.

Taasinermi innersuussut akuersissutigineqanngilaq.

**Ilanngussat**

**Punkt 4.3 Oqaluuserisassanut siunnersuut – suleqatigiinneq eqaatsumillu sullissineq**

Journalnr. 02.02.01

Tunuliaqutaq

Kommunalbestyrelsemi ilaasortaq Kirstine Olsen, ulloq 18. juni 2021 mailikut siunnersuummik nassiussivoq;

*”Ilaqutariinnik / meeqqanik, inunnilluunniit pisariaqartitsisunik sullissinermi, suleqatigeeriaaseq pitsannqorsarniarlugu qanoq eqaallisaasoqarsinnaava?*

*Assersuutigalugu **ilinniartitaanermut immikkoortortaqarfiup** ataani suliamik aallartitsinermi, **atugarissaanermut immikkoortortaqarfimmu** suliaq ingerlagaangat pisut akunnerminni ”nipangiussisussaataaneq” pissutigalugu sulinerup ”avittarnera”, suleqatigiittussatullu isikkoqartut imminnut suleqatigiissinnaajunnaartarnerat qanoq suleqatigiinnermut saatsinneqarsinnaava? Assersuutigalugu atuarfimmit ernumaammik apuussinerup kingorna, atuarfiup suliamik malinnaatinneqartannginnera ilinniartitsisunut assut kipiluttunartutut isigineqartarpoq, taamatuttaaq immikkoortortat akornanni suliaq immikkuutaartumik inissitsilertarnera aamma ersittarluni.*

*Soorlu meeraq misi-mut innersuunneqarsimappat, aammalu ilaqutariit Ilaqutariinnik kiffartuussivimmit sullinengalersimappata, pingajuattullu meeqqap pisariaqartitai aallaavigalugit meeraq Pissassarfimmi aamma sullinengalersimappat, sagsbehandlerillu allatut aamma suliniuteqarpata, taava suliaq qanoq ataatsimut pitsaasumik kinguneqartissallugu kommunemit ilusilersorneqarsinnaava?*

*Sullissinerup eqaatsumik sullitanullu sukkanerpaamik sunniuteqarsinnaasumik qanoq suleqatigiissinnaaneq isikkulerneqarsinnaava?”*

Maleruagassatigut tunngavissat

Pisortat ingerlatsineranni suliassat suliarineqartarnerat pillugu Inatsisartut inatsisaat pillugu Namminersorlutik Oqartussat nalunaarutaat nr. 4, 20. April 2021-imeersoq

Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersoq

Pissutit atuuttut

Akimortumik ataqatigiissaarineq tunngaatigut ingerlariuseq paasisaqarfigerusullugu, Ilinniartitaanermut immikkoortortamit ilaatigut atuarfimmi siunnersortinit, MISI-mit aamma Atugarissaanermut immikkoortortamit paasisutissanik aallertoqarsimavoq, ataani sukumiinerusumik unammillernartitat innersuussutillu allaaserineqarlutik.

**Atuarfimmi siunnersortinit ilanngussat**

Suleriuseq:

Innuttaasoq kinaluunniit ilisimasaqaleruni meeqqap ingerlalluannginneranik, peqqissusaanik ineriartoneranilluunniit navianartorsiortitsisumik meeqqap inuunermi atugaqarneranik kommunalbestyrelsimut nalunaaruteqarnissamik pisussaaffeqarpoq (Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersumi §15 naapertorlugu)

- Atuarfinni nalunaarutit taamaattut atuarfimmi siunnersortinut nassiunneqartarput, taassumap katersoriarlugit uunga mailimut ingerlateqqittarpai: [sis.familie@qeqqata.gl](mailto:sis.familie@qeqqata.gl)

- Atuarfimmi siunnersorti nalunaarnermini, nalunaarutip tiguneranut uppersaammik pisarpoq.

*Unammillernartut:*

*Atuarfinni siunnersortit erseqqissarpaat allanut aqutsisoqarfinnut attaveqaqateqarneq illugiilluni attaveqaqatigiinnerunngitsoq. Piffiit ilaanni nalunaarutiginninnermi uppersaammilluunniit tigusaqarneq ajorput. Paasissutissanik amigartunik kiisalu iliuuseqartoqannginneranik nukillalaarnerup kingunerisaanik nalunaarutit atuarfinneersut nassiuteqqinneqartarput ajornartorsiutit piusut ersarissarniarlugit.*

#### Ullumikkut suleqatigiinneq

- Atuarfimmi siunnersortit isumaqatigiissutaanni allassimavoq aqutsisoqarfiit allat suleqatigineqassasut.
- Aqutsisoqarfiit akimorlugit suleqatigiinneq pitsanngorsarniarlugu ukiut pingasut matuma siorna qaammat allortarlugu ataatsimiittarneq aallartinneqarpoq. Taakkunani atuarfimmi siunnersortit, MISI Ilaqutariinnut Kiffartuussivik Atugarissaarnermullu Immikkoortortaq peqataasarput.

*Unammillernartut:*

*Aqutsisoqarfiit allat ataatsimiinnissanut naliginnaasunut takkuttannginneri ajornartorsiuterujussuovoq. Piffissaqannginneri nalunaarutigineqartarpoq. Taassumap saniatigut aqutsisoqarfiit aqutsisuinut attaveqarniarneq ajornakusoorluni.*

#### Atuarfimmi siunnersortit kissaatigaat

- Attaveqaqatigiinneq pitsaanerusoq

Atuarfimmi siunnersortit kissaatigaat minnerpaamik nalunaarutiginninnerup tiguneranik uppersaammik pisarnissartik.

Taassumap saniatigut sullissinerup ingerlaneranik paasissutissanik pissarsisarussupput, meeqqat pisariaqartitaat pillugit atuarfiup ilisimaarinninnissaa anguniarlugu.

- Suleqatigiinneq qaninnerusoq

Atuarfimmi siunnersortit kissaatigaat aqutsisoqarfiit allat ataatsimiinnissanut naliginnaasunut peqataanissartik salluittassagaat. Peqataasut illuatungerisami suleriaasiat pisariaqartitaallu ataatsimiinnerni qulaajarsinnaavaat, illuatungeriinnut tamanut iluaqutissatut.

Taamaasiornikkut sullissinnermi ingerlariuseq pitsanngorsarneqarsinnaavoq, sullinneqartumut nagaataani pitsanngorsaattissatut.

- Qatserineq pinnagu pinaveersaartitsineq

Atuarfimmi siunnersortit kissaatigaat aqutsisoqarfiit allat pinaveersaartitsilluni suliniuteqarnerit amerlanerusut ingerlatissagaat. Inuusuttut ernumassutillit amerlavallaarput. Kissaatigaat aqutsisoqarfiit atuarfinni atuartunilu takussaanerussasut. Taassumap saniatigut angajoqqaat nukittorsarneqarnissaat kissaatigineqarpoq, meeqqami killilersinnaaneranik ajornartitsikkajuttarmata.

#### **Atugarissaarnermut immikkoortortamit ilanngussat**

Suleriuseq:

- Atugarissaarnermut immikkoortortaq piasuurtussamik pilersaarut TIKASAAQ, kommunip sulliffeqarfiutaani sulisut meeqqanik kinguaassiutitigut imaluunniit timikkut/tarnikkut atonerlutsittoqarsimaneranik pasitsaassinnermi periusissanik allaaserinnittumik pilersitsinikuupput.

- Pisortat najoqqutassiaat sumiginnaaneq, sullissineq aallartineranit naammissinissaata tungaanut qanoq ingerlariuseqassanersoq, sullissinermi eqqummaariffigisassat, inissiinerit malitseqartitsinerillu pillugit ilaatigut allaaserinnittoq, sullissisut sullissinermini atortarpaat. Pisortanit najoqqutassiaq skabeloninik ilaqarpoq sullissinerup ingerlanerani ilaatigut isumaginninnikkut misissuinermi, pisussanut pilersaarusiordermi, suliniutissanik aallartitsinermi, inissiinermi sullissereernerullu kingorna malitseqartitsinerup nalaani atugassanik.
- Atugarissaarnermut immikkoortortap massakkut pilersaarusiuleruttorpaa sullissinissami systemi nutaap eqqunneqarnissaa, sullissisut saginik suliaqarneranni ajornanginnerulersitsisussamik. Sullissinerup ajunnginnerulernissaa suliallu pitsaassusaasa qaffassarnissaat siunertaavoq.

*Unammillernartut:*

*Naalakkersuisut pisortat najoqqutassiaat, inatsimmut 2017-imi akuerineqartumut tulluarsakkat, ukioq kingulleq saqqummiuppaat, taakkualu sullissisut aatsaat sungiukkiartulerpaat. Kommunip suliffeqarfiutaat skabelonit pisortat najoqqutassiaanut ilaasut atornissaat pillugit pikkorissartinneqarnissaat pisariaqarpoq, skabelonit naammaginangitsumik immersorneqartarmata.*

*Kommunit suliffeqarfiutaanit killiffissiorluni nalunaarusiat amigaataakkajuttarput, sullissisullu ilaat piginnaasaat annikippallaarnerisa kingunerisaanik naammaginartumik sivilissusilimmik, naammaginartumik pitsaassusilimmik, naammaginartumillu suliarineqartumik sullissineq ingerlassinnaaneq ajorpaat.*

*Sullissisut piffissaq annertoorejussuaq atortarpaat nunaqarfinnut tikeraarlutik, nunaqarfiit ilaat aaliangersimasunik sullissisoqarneq ajormata, taamaattorli allaffimmiunik naliginnaasunik nalunaarutiginninnernik illoqarfinnut ingerlatitseqqiisussanik taamaallaat peqartarmata.*

*Maniitsumi Sisimiunilu sullissisutut inuttaliisarneq illoqarfimmi inuttaqassuseq aallaavigalugu agguataarneqarneq ajorput, kisiannili amerlaqatigiimmik agguataarneqarsimallutik Sisimiuni innuttaasut amerlanerugaluartut.*

Ullumikkut suleqatigiinneq

- Piasuartumik pilersaarummi, Tikaasami, ilaatigut allaqqavoq ilaqutariinnut siunnersortip meeqqamik sullissisussat qaaqqussagai, kiisalu piasuartumik suleqatigiissitaq ilaatigut napparsimaveqarfimmit, politiinit il.il. inuttaqartoq piasuartumik ataatsimiigiaqqussagaa. Piasuartumik ataatsimiinnerup suleqatigiit tamaasa peqataatissavai, meeraq kinguaassiutitigut kanngutsaatsuliorfigineqarsimasoq atonerlugaasimasoq ikiornissaanut ataqatigiissaarinissaq siunertaralugu.
- Atugarissaarnermut immikkoortortaq kommunillu suliffeqarfiutaat ulluinnarni meeqqamik sullissisut, meeraq nalunaarutigineqartoq pillugu paasissutissanik avitseqatigiinnissaq eqqarsaatigalugu aammattaaq ataatsimiittarput.
- Atugarissaarnermut immikkoortortattaq angajoqqaat, suleqataasullu ataatsimiigiaqqusarpaat, suleqatigiinnerup nukittorsarnissa, periusissatullu periarfissanik ujartuinissaq, periusissatullu pilersaarummi suliassat taakkartorneqartut agguataarinissaa siunertaralugu.

*Unammillernartut:*

*Atugarissaarnermut immikkoortortaq oqaluttuarpoq kommuuniukkajuttartoq kommuunip suliffeqarfiutaanik ataatsimeeqatiserinninnerni ataatsimiinnissanut qaaqqusisuunerusarlutik, kommunillu suliffeqarfiutaat qaaqqusinissamut suliniuteqarpiarneq ajortut.*

Atugarissaarnermut immikkoortortap kissaatigaa:

- Inatsisip, pisortat najoqqutassiaat kiisalu skabelonit tassunga atasut paasinissaannut sulisunik pikkorissaanissaq, taamasiornikkullu sulinerup pitsaassutsillu qaffassarnissaa siunertaralugu.
- Kommunip nunaqarfiini tamani sullissisoqalernissaq.
- Illoqarfinni inuttussuseq aallaavigalugu sullissisut amerlassusissaanik aaliangersaasarnissaq.

**MISI-mit ilanngussat**

Ingerlariuseq

- Meeqqat, inuusuttut, angajoqqaat kiisalu suliffeqarfiit MISI-mut toqqaannartumik saaffiginnillutik siunnersortinneqarnissaq ilitsersorneqarnissarlutik periarfissaraat.
- Meeraq/inuusuttoq immikkut tapersersorneqarnissamik pisariaqartitsineranik naliliisoqarpat MISI meeraq aaliangersimasoq pillugu misissuillunilu nalunaarusiortarpoq.
- Kommune MISI-lu allagaateqarfinnut ilioraanermi assigiinngitsunik systemeqarput

*Unammillernartut:*

*MISI-mi sulinermit atortorineqartut soorlu nalunaarusiat, skabelonit il.il. atugarissaarnermut immikkoortortami atortorineqartunit allaanerummata, atugarissaarnermut immikkoortortamit saaffiginnissutit suliarinissaat sivisunerusarpoq.*

*Atugarissaarnermut immikkoortortami skabelonit atorneqartut pillugit, MISI ilitsersorneqarsimangimmat, noqqaassutigineqarsimagaluartoq suli akissuteqarfigineqarnikuusimangilaq.*

*MISI-p uggorivaa meeqqat inuusuttullu unammilligaat pisariaqartitaallu matussuserniarlugit neqeroorutit ikippallaarneri.*

*MISI-ttaaq misigisimavoq atuarfiit ullukkullu ornittakkat piginnaasamikkut sulisoqarnikkullu MISI-mit siunnersuutit ilitsersuutillu arlaleriarlutik malinnissaanut annikippallaanik pigisaqartut.*

*MISI-p uparuarpaa meeqqamik inuusuttumilluunniit assersuutigalugu Ilaqutariinnut Kiffartuussivimmum innersuussisinnaaneq ajornarpallaartoq, kommunini sullissisut kisimik Ilaqutariinnut Kiffartuussivimmum MISI-p misissuineranut assingusumik misissueqqaarlutik innersuussisinnaasarmata.*

*MISI-p unammillernartutut isigaa namminneq kommuunilu assigiinngitsunik allagaateqarfinnut toqqorsinissamat systeminik peqarnertik, sullissisunut MISI-milu sulisunut ajornanginnerussagaluarpat meeqqat inuusuttullu pineqartut pillugit paasisutissat pigisatik iserfigisinnaasuunikkit. Ullumikkut meeqqat inuusuttulluunniit pillugit paasisutissanik imminnut aallerfiginermi ullorpaaluit utaqeqqaarlutik saaffiginninnerup kingorna pissarsiarisinnaasarmatigit.*

Ullumikkut suleqatigiinneq:

- MISI atuarfiit ullukkullu ornittakkat immikkut aaliangersimasumik ataatsimeeqatigisarpat qaammammumt marloriarlutik, taakkualu immikkut tamarmik aaliangersimasumik MISI-mut attaveqateqartitsipput.
- Atugarissaarnermut kiisalu Ilinniartitaanermut immikkoortortaq aaliangersimasumik MISI-mik ataatsimeeqateqarneq ajorput, pisariaqaraangalli ataatsimiissinnaasarlutik.

- MISI Maniitsoq piasuartumik suleqatigiissitami Tikaasami peqataavoq, piasuartumillu ataatsimiinnerni ilaasarluni.
- MISI Maniitsoq aammattaaq netværksgruppimi kommunip peqataaffigisaani peqataavoq.

*Unammillernartut:*

*MISI-p erseqqissarpaa Atugarissaarnermut immikkoortorta qataatsimeeqatiserissallugu ulapinneq kiisalu sulisunik taarseraatsitsineq pequtugalugu ajornakusoortoq.*

*Misigisimavaat sullissisut peqataanginnissamik nalunaaratik piffissami isumaqatigiissutigineqartumi peqataangitsoorsinnaasartut.*

*Tamaat isigalugu MISI misigisimavoq kommunimi sullissisut attavigissallugit ajornakusoortut, taamaattumillu periutsit allat atorlugit attaviginninniarnert ingerlassinnaasarlugit, akissummik pinissaq siunertarlugu.*

*MISI Maniitsoq misigisimavoq netværksgruppimi sulinerup ingerlariaqqinnerullu sinaakkuteqannginnera pequtaalluni iliuuseqarnissaq alloriaqqinnissarluni amigaataasartoq.*

MISI-p kissaatigaa:

- Sullissinnermi kommunip MISI-llu akornanni attaveqatigiinneq pitsaanerusoq.
- MISI-p ulluunerani ornittakkani suliasai pillugit erseqqinnerusumik ataqatigiissarineq allaaserinninnerlu, tassami perorsaarnermi siunnersortimik MISI-p suliaanut assingusumik sulialimmik atorfilittaqarmat.
- Meeqqanut inuusuttunullu immikkut pisariaqartitsisunut neqeroorutit amerlanerusut.
- Kommunip skabeloneutaanut MISI-p immersortagasaanut ilisaritsitsineq.
- Kommunip MISI-llu akornanni ataqatigiissitsissamik aaliangersimasumik attaveqateqarnissaq.
- MISI, Sisimiut piasuartumik suleqatigiissitamut, Tikaasamut peqataalissasoq, tassami meeqqat inuusuttullu pineqartut MISI-p sullitarikkajuttarmatigit.
- Atugarissaarnermut immikkoortorta netværksmødenut MISI-p, atuarfiit ulluuneranilu ornittakkat akornanni ingerlanneqartartumut peqataalissasoq.
- Sullissineq pitsaanerulersinniarlugu allagaateqarfimmu toqqorsinissamut systemit assigiit.
- Netværksgruppimi sulinermi sinaakkutit ersarinnerusut.

Atuilluatuunissakkut kingunerisinnaasai

Sullissinnerup pitsanngorsarnera sullinneqartumut iluaqutaassaaq, sullinneqartorlu eqeersimaarluni ajunngitsumillu inuiaqatigiinnut peqataasinnaaneranik nassataqarsinnaalluni.

Aningaasaqarnikkut allaffissornikkullu kingunerisinaasai

Sullissinnerup ingerlariusaanik pitsanngorsaaneq aningaasaqarnikkut kinguneqarnissaa naatsorsuutigineqanngilaq.

Allaffeqarfiup naliliinera

Allaffeqarfiup nalilerpaa suleqatigiissitamik suleqatigiinnerup pitsanngorsarnissaanik siunnersuummik, suliasanik akisussaaffinnillu agguataarinnermik, suleriuutsimik, ingerlariuutsimillu erseqqissaasumik suliaqartussamik pilersitsisoqartariaqartoq.

Suliniuummi Inuunerissaarnermi, akimortumik suleqatigiissitanik pilersitsisoqarnikummat allaffeqarfiup innersuussutigaa suleqatigiissiaq 1-imi, Inooqataanikkut Atugarissaarnermik suliaqartup ataanut suleqatigiissitaq nissinneqassasoq.

Meeqqamut/inuusuttumut ilaqutariinnullu iluaqutaasussamik assigiimmik anguniagaqarnissaq qulakkeerniarlugu pingaaruteqarlunnarpoq akimortumik suleqatigiinnissaq, aqutsisoqarfiit assigiinngitsut meeqqaanik inuusuttunillu sullitaqartut, meeqqat inuusuttullu tapersorneqarnissaat pillugu inatsit tamarmik piviusunngortissallugu suliaqarmata.

Suleqatigiiffiit tamaasa qulaajassallugit taamaasioreernerullu kingorna assigiimmik sullisseriuutsimik, susasaqartunik tamanik peqataatitsisumik siunnersuuteqarnissaq suleqatigiissitaq isumagissavaa.

Allaffeqarfiuttaaq nalilerpaa nipangiussisussaataanerup aqutsisoqarfiit assigiinngitsut pitsaasumik suleqatigiinnissaraluarlallitsigut killilersimaaraa. Pisortat ingerlatsinerat pillugu inatsimmi allaaserineqarpoq, aqutsisoqarfiit assigiinngitsut akunnerminni paasissutissat malussarissut avitseqatigiissutigisinnaagaat, angajoqqaatut akisussaasut tamanna pillugu akuersisimappata. Suleqatigiissitaq nipangiussisussaataaneq pillugu ajornartorsiut pitsaasumik aaqqivigineqarnissaanik ujartuissaaq, suleqatigiinneq meeqqamut, inuusuttumut ilaqutariinnullu iluaqutaasussamik pitsanngorsarniarlugu.

### **Innersuussut**

Kommunalbestyrelsemut innersuussutigineqarpoq siunnersuut oqallisigeqqullugu aamma

- Aqutsiveqarfiit/immikkoortortat akornanni attaveqaqatigiinneq pitsanngorsassallugu suleqatigiissitamik pilersitsisoqarnissaa akuereqqullugu.

### **Aalajangiineq**

Innersuussutigineqartoq taasineramik inernilerneqarpoq

Allaffeqarfiup innersuussutaanut akuersissut: 4

Jens M. Lyberth, Karl Lyberth, Abel Enoksen, Steffen Johansen

Itigartitsisut: 7

Malik Berthelsen, Evelyn Frederiksen, Gideon Lyberth, Aqqalu Skifte, Juliane Enoksen, Nivi H. Efraimsen, Siverth K. Heilmann, Anna Karen Hoffmann.

Taaseqataannngitsut: 2

Kirstine Olsen, Barnabas Olsen

Taasinermi innersuussutigineqartoq akuersissutigineqanngilaq.

Taarsiullugulu innersuussutigineqarpoq, suleqatigiissitamik nutaamik pilersitsinngikkaluarluni maannakkut pioreersut atorlugit aqutsiveqarfinni/immikkoortortani attaveqaqatigiinnermik pitsanngorsaaniissaq anguniarneqassasoq.

Innersuussutigineqartoq tasineramik inernilerneqarpoq

Akuersisut: 9

Malik Berthelsen, Evelyn Frederiksen, Kirstine Olsen, Gideon Lyberth, Aqqalu Skifte, Juliane Enoksen, Nivi H. Efraimsen, Siverth K. Heilmann, Anna Karen Hoffmann.



Itigartitsisut: 4

Jens M. Lyberth, Karl Lyberth, Abel Enoksen, Steffen Johansen

Taaseqataannngitsut: 1

Barnabas Larsen

Taasinermi innersuussutigineqartoq akuersissutigineqarpoq.

**Ilanngussat**

#### **Imm. 4.4 Kajumissaatinik akissarsititsisarneq pillugu oqaluuserisassatut siunnersuut**

*Journal nr. 51.00*

##### Tunuliaqutaq

Kommunabestyrelsimi ilaasortaq Kirstine Olsen mailikkut e-mailikkut ulloq 30 juni 2021 kommunalbestyrelsemut oqaluuserisassanngortitsivoq:

*“Siunnersuutigissavara ukiumut atuartut atuarunnaaraangata karakteriginnerpaamut, siuariaatilimmut allatullu malunnaatilimmut nersuiniarluni aningaasanik tunisisarnerit unitsinneqassasut, aningaasallu atuarfimmumut atuartunut tamanut ataatsimoortitsinermut nuannersumillu inuulluaqqoqatigiitsitsinissamut sammisaqartitsinissamut atugassatut tunniunneqartalissasut.*

*Tamatumunnga tunngavigaara nersornaatisititsisarnerup atuartunut ataasiakkaanuinnaq iluaqutaasarnera. Assersuutigalugu atuartut 24-uppata, atuartorlu ataasiinnaq akissarsisinnegarpat, atuartut 23-t ajorsartutut misigisimassapput, sapinngisannguartillu tamaat ilikkarniaraluarlutik nersorneqannginnerminnut pakatsissallutik. Taamaattumik nuannersumik ataatsimoorussamillu atuartuunneq misigineqassappat, atuarfimmit aningaasat nuannisartitsinermut atorqeqsinnaanissaannut tutsinneqartalernissaat innersuutigaara. Assersuutigalugu grillereqatigiinnissamut, bussinik attartornermut, allatulluunniit nuannersumik aaqquussinermut aningaasat atorqeqsinnaassallutik”.*

##### Maleruagassatigut tunngavigisaq:

Qeqqata Kommuniani karseqarnermut naatsorsuuserinermullu malittarisassat

Atuarfik pillugu Inatsisartut inatsississaattut siunnersuut nr. 15, 3. December 2012-imeersoq

##### Pissutsit atuuttut

Kajumissaatitut akissarsititsisarnissaq pillugu aalajangiineq 2017-imit 2021-mut qinersiviusumi Siumut, IA aamma Parti Naleraq akornanni suleqatigiinnissamik isumaqatigiissumik aallaaveqarpoq, maligassanillu isigisartagaqarnikkut aammalu atuartut atuarunnaartussat pitsaasunik karakterinut kajumissaatitut akissarsititsinikkut meeqqat atuarfimmumut isiginnittaasiannik allannguinnissamik ukkataqartoqarluni. Tamanna ilaatigut pilersaarusionermermi periusissiap 2018-2022 ilaatigullu 2018-imit missingersuutinut aamma ukiumut missiliuuteqarfiusunut kajumissaasiilluni akissarsititsinissamut malitassanullu sulinermermi 200.000 koruuninik immikkoortitsisoqarnikkut suliniut malitseqartinneqarpoq.

Allaffeqarfik kajumissaatitut akissarsititsisarnerminik agguataarinermut siunnersuummik nassiusaqarnikuuvoq, illoqarfimmi atuarfinni pingasuusuni aamma Kangaamiuni Kangerlussuarmilu atuarfinni siulersuisut 40.000 koruuninik, 20.000 koruuninik aamma 10.000 koruuninik agguataarineq pillugu isummatik pillugit eqqartuinnerminni nalunaaruteqarnerminnilu aallaviginikuusaannik, siunertanut tullinnguuttunut.

1. misilitsinnerni atuartumut annerpaamik karakterinnattumut
2. atuartumut kammalaataallaqqinnerpaamut
3. atuartumut anguniakkaminik angusilluarsimasumut
4. klassimut atuanngitsoorfiunerpaajunikuunngitsumut
5. elevrådip toqqagaanut ilinniartitsisumut pitsaanerpaamut
6. angajoqqaamut immikkut suliniuteqarnikumut

Ilinniartitaanermut, Peqqinnermut Kulturimut Sunngiffimmullu ataatsimiititaliaq sinnerlugu 2018-imi juunip 15-ani ataatsimiititaliap siulittaasua aalajangiivoq, atuarfinni siulersuisut

**Kommunalbestyrelsip aggustip 19-iani 2021 ileqquusumik ataatsimiinnerani imaqarniliaq  
04/2021**

tusarniaaffigineqareernerisa kingorna, piumasaaqaatialunnguit malillugit atuartunut kajumissaasiissutinik akissarsiasanik tunniussisoqassasoq. Aammattaaq soqutigisaqaqatigiiffinit suliffeqarfinnullu ataasiakkaanit annertuumik tapersorsorneqarpoq.

Inuussutissarsiutilinnit, ataatsimiititaliami ilaasortanit meeqqallu atuarfiinit pissarsiat tikkuarpaat, kajumissaasiilluni akissarsititsisarnerit malitassanik pilersitseqataassasut.

Sulisitsisut (GE) Sisimiuni immikkoortortaarfia 7. klassimi atuartunut kajumissaasiilluni akissarsititsinermik tunniussinissamut nammineq suliniuteqarpoq, tassani ukiuni tallimani ukiut tamaasa ukiumut qarasaasianik angallattakkanik pingasunik atuartunut tunniussisarniarlutik, piumasaaqaatinik aalajangersakkanik soorlu piffissamut takkuttarnissaq, napparsimanngiivinnerit ulluniluunniit ikitsuinnarni napparsimanerit il.il. naammassisimagaanni.

Atuarfinni siulersuisut akissuteqaataannik aallaavilimmik, allaffeqarfiup nalilerpaa, agguataarineq tullinnguuttoq atorneqassasoq:

suut	akisussaasoq	akissarsiaq	Aningaasat annertussusaat
Atuartumut soraarummeernermi qaffasinnerpaamik karakterinnattumut Atuartumut soraarummeernermi ikinnerpaamik atuanngitsoorfeqartumut Atuartumut soraarummeernermi ... atuarfiup nammineq toqqagaa	Atuarfiit atuartunik soraarummeersitsisartut. Illoqarfinni atuarfinni immikkoortunut pingasuusunut agguaassisassaaq Nunaqarfinni atuarfiit immikkoortumut ataasiinnarmut	Akissarsiaq+diplo mi	Akissarsiasaq ataaseq 3.000
Ukiumi atuartutsialak	Nunaqarfinni atuarfinni sisamaasuni, atuartumut atuanngitsoorfikinnerpaamut agguaassisassapput	Akissarsiaq+diplo mi	Atuarfik ataaseq 500 koruunit
Ukiumi klassitsialak	Ukiumi klassitsialammut akissarsiasanik atuarfiit nammineq agguaassisapput, assersuutigalugu klassimut atuanngitsoortoqarfiunnginnerpaamut, angajullerni pujortartartoqanngiffiusumut assigisaanullu.	Akissarsiasat aningaasat imaluunniit paasisassarsiorluni angalanissamut imaluunniit klassefestimut assigisaanulluunniit tapiissutit. + diplom	Illoqarfinni atuarfintut tamanut 10.000 koruunit Kangerlussuarmut 4.000 koruunit, Kangaamiunullu 2.000 koruunit.
Ilinniartitsisutsialak	Illoqarfinni atuarfinni pingasuusuni atuartut siunnersuisooqatigiivi atuarfinni tamani ilinniartitsisumik ataatsimik, nunaqarfinnilu	Tunissutissatut koori + diplom	Tunissutissatut koorimut ataatsimut 1.000 koruunit

**Kommunalbestyrelsep aggustip 19-iani 2021 ileqquusumik ataatsimiinnerani imaqarniliaq  
04/2021**

	atuarfinni atuartut siunnersuisooqatigiivini ataatsimik, ilinniartitaanermut pisortanut innersuussissapput		
Ukiumi klassisialammi angajoqqaanik annertunerpaamik pimoorussisulinnut	Atuarfiit siunnersuutaat aallaavigalugit, borgmesteri ataatsimiititaliamilu siulittaasoq aalajangiissapput	Akissarsiassat aningaasat imaluunniit paasisassarsiorluni angalanissamut tapiissutit + diplom	25.000 kr.
Maligassiuusunut kiisalu kommunimi angalanernut			100.000 kr.

Ilinniartitaanermut, Peqqinnermut Kulturimut Sunngiffimmilu ataatsimiititaliap agguataarineq akuersissutigivaa.

Meeqqat atuarfii akissarsianik agguataarineq pillugu misilittagaat naliliinerilu pillugit tusarniaaffigineqarnikuupput.

Minngortuunnguup Atuarfia:

Agguaqatigiisitsinermi qaffasinnerpaamut atuangitsuunnginnerpaanullu akissarsititsineq atuartut akornanni sinnganermik kinguneqarneranik atuarfiit misigisimanngilaat. Atuarfiit ajorsartutut misigisimalluni atuartut tunuarsimaarnerannik misigisaqarnikuunngillat.

Atuatumut immaqa siuariaateqarujussuarsimasumut imaluunniit ikinngutaalluarsimasumut ilinniartitsisoq akissarsiassamik tunniussisuunera aamma pingaaruteqartuuvoq. Aningaasat tigugaanni aaqqissuussamullu allanulluunniit ataasiinnarmut agguaallugit, taava immikkut ittuunerannik atuartut paasinninnaviannngillat, taamaallat tassaniiginnartussatut isigissallugu. Soorlu atuagaq allaluunniit tamanut tunniukkaanni. Taava sunniutaarutissaaq.

Nalunnguarfiup Atuarfia:

Atuarfik siusinnerusukkut taamatut eqqartuinikuuvoq. Ilaatigut akissarsiassat annertuujupput akissarsiassanillu atuartut amerlanerusut pissarseqataagunik pitsaanerusumik aaqqiinertut isigineqassaaq. Taamaattumik akissarsiassat klassimut akissarsiassatut imaluunniit atuartoqatigiinnut tunniunneqartarnissaat, akissarsiamik ataatsimoorlutik qanoq iliuuseqarsinnaallutik, assersuutigalugu klassimut, ukioqatigiinnut trinnimulluunniit arlaannik pisinissaq NA tapersorsorpaq.

Atuarfik Kilaaseeraq:

Atuarfik Kilaaseeraq isumaqarpoq, kajumissaatitut akissarsititsisarneq ileqqusoq pitsaasoq ingerlaannartariaqartoq. Kajumissaasiilluni akissarsititsisarnermik ingerlanermi ajoquteqarlunilu pitsaaquteqarpoq.

Pitsaaqutit ukuupput:

- Atuartut pitsaanerusunik angusaqarnissaanut kajumissusermik pilersitsineq
- Sulianut oqariartaatsit assigiinngitsut aammalu suliamut qanoq ililluni pitsaanerulersinnaanerup akornanni attaveqatigiinnerulernermik/oqaloqatigiinnerulernermik pilersitsineq.
- Nutaaliortumik ineriartornermut ilinniartitaanermut systemini tamani unammilleqatigiittoqartuaannassaaq.

- Soraarummeerneq ilinniartitaanermut systemini ilaajuaannartillugu, ilinniartut akornanni unammilleqatigiittoqartuaannassaaq.
- Qeqqata atuartuutai nunasuarmi unammillertartornissamut piareersarneqassapput.
- Kajumissaatit akissarsiat meeqqani/atuartuni kajumittuunissatsinnut aammalu meeqqat/atuartut ajunngitsortaasa takunissaanut ilinniartissavaatigut
- Ilinniartitsisut atuartunut ataasiakkaanuinaangitsoq klassimi atuartunik tamanik nersualaarisarlutik kajumissaarisarlutillu aallartipput
- Meeqqat/atuartut atuartup kajuminnissaanik ikiuutaasumik akissarsiassaqqarpas, suliatigut pitsaanerulersinnaallutik allanut takutitaqarnikkut inuttut ineriartussapput.

Ajoqutit:

- Atuartut ataasiakkaaginaat akissarsitinneqarnerat pissutigalugu immikkoortitaasutut misigisimasinnaanerat
- Atuartut ilaasa kajumissaatit isiginaviangikkaat taakkunungalu "kajumissaataangitsutut" issinnaalluni (kisianni, oqartoqangajassinnaavoq, nul procentimiittoq)
- Kajumissaatinut akissarsiamut inersimasut ajortumik isiginnittaateqartut kisimik pisumi meeqqat/atuartut eqqugaasutut misigisimalernissaanut sunniisinaapput.

**Qinguata Atuarfia:**

Qinguata Atuarfia isumaqqarpoq, akissarsiat tamanut iluaqutaassasoq aammalu ingerlanneqassasoq isumassarsiatsialaasoq.

**Kangaamiut Atuarfiat:**

Atuartut angajoqqaallu nunaqqataasullu assut toqqaasarneq nuannaarutigisarpaat. Atuaqataasut takusinnaareertarpaat kina atuartutsialattut piukkunnarnersoq. Ilinniartitsisut toqqaagaat, atuartut aamma ilimagereertarpaat kikkut atuartutsialangulernersut.

Ukioq manna angajoqqaq oqaluttuarpoq, qujasimagaluarluni kiisami meeqqani atuartutsialattut toqqaagaalinngissoralugu, allat aamma toqqaarneqarniassammata.

Atuilluartuunissakkut kingunerisinaasai

Kajumissaarutit akissarsiassat aamma maligassiuisunik pilersitseqataasinaapput. Kisianni aningaasannorlugi akissarsititsinissami annertuallaamik ukkataqarneq imminuinaq eqqarsaatiginermik arlalikkaarluniluunniit naqisimanninnermik kajumissuummik ilutsimik pitsaanngitsumik pilersitsisinaavoq.

Aningaasaqarnikkut allaffissornikkullu kingunerisinaasai

Akkuersissuteqarnermi kajumissaatit akissarsiassanut malitassanullu 200 t-it atuiffimmut ataatsimoorussamut 51-01-00-35-17 inissinneqarput. Atuiffimmi tassani malitassanut 100 t-it inissinneqarput. Prisme-mut ikaarsarnermi aningaasat tamarmik atuiffimmut 571030200-0302010000-01500-122120100 inissinneqarput.

Allaffeqarfiup naliliinera

Qinigaaffimmi nutaami meeqqat atuarfiannut suliniutit imminnut attuumassutilinnik suliaqarneq ingerlaqqissaaq, tassani atuarfimmu ataqqinninnerup qaffassarnissaa, meeqqat atuarfiannik naammassinninnissaq /ilinniartoqarfimmut ingerlaqqittartut amerlanerunissaat il.il. ukkatarineqarluni.

Qeqqata Kommunian atuartunut akissarsiassanik tunniussisarnermik unitsitsissappat periutsimilluunniit allannguissappat, taava allannguutissatut siunnersuut atuarfinni siulersuisuni tusarniaareernerup kingorna ilanngunneqassaaq. Ukiup klassitsialaanut, ukiumi ilinniartitsisutisallammut, ukiumi klassi angajoqqaanik akuutitsinerpaamut akissarsititsisarnerup piffissami tassani aamma kommunalbestyrelsi nalilersueqqittariaqassaaq.

### **Innersuussut**

Kommunalbestyrelsimut akuereqqullugu innersuussutigineqarpoq,

- kajumissaatinik akissarsititsisarnermik nalilersueqqinneq pilersaarusiornermut periusissiami nutaassami suliaqarnermut atatillugu pissasoq
- suliaq ilinniartitaanermut ataatsimiititaliamut nassiunneqassasoq.

### **Aalajangiineq**

Innersuussutigineqartoq itigartitsissutigineqarput.

Kommunalbestyrelsemit kissaatigineqarpoq maannakkut akissarsititsisarnerit ingerlatiinnarneqassasut.

### **Ilanngussat**

1. Imm. 07 Meeqqata atuarfianni maligassiuisunut kajumissaatitullu akissarsiassat. Ilinniartitaanermut Peqqinnermut, Sunngiffimmi sammisassanut Kulturimullu ataatsimiititaliap ataatsimiinnera 06/2018

**Imm. 4.5      Qeqqata kommune-ani innuttaasut imminortarnej pillugu  
oqallitalernissaannut siunnersuut- Abel Enoksen-imiit (N)**

*Journal nr. 48.02.00*

Tunuliaqutaq

8 juli kommunalbestyrelse-imi ilaasortaq Abel Enoksen (N) kissaatigisimavaa inuusuttut imminortarnermut pillugit suut Qeqqata Kommunua sulissutigisarneraat, pingaartillugu nunaqarfimmi illoqarfinnilu pinaveersartitineq annertusisariaqartoq.

Qeqqata kommune-ani innuttaasut imminortarnej pillugu oqallitalernissaannut una siunnersuut aallaaveqarpoq, inuttut eqqugaasimaneq ilaatigut qanigisat ikinngutit nunaqqataasut kiisalu susassaqtut tamarmik eqqugaasarnerat pissutigalugu siunniussaavoq. Qaqilerneqartariaqartorlu politikkikkut qaqitsisup kissaatigaa.

Maleruagassatigut tunngavissat

Peqqinnissaqarfiup aquneqarnera, aaqqissuusaanera kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. november 2010-meersumi § 5 *Pinaveersaartitsinermut ataatsimiititaliat*

Qeqqata Kommuniani - Siumut – Inuit Ataqatigiit – Atassut  
Tunngaviusumik suleqatigiinnissamik isumaqatigiissutaat 23.04.2021-meersoq

Suleqatigiinnissamik isumaqatigiissut: -Peqqinnissaqarfiup aamma Qeqqata kommuniata akornanni 2019-imiit 2023 tikillugu atuuttoq

Pissutsit atuuttut

Qeqqata kommunia angalaartunik pinaveersaartitsineq eqqarsaatigalugu pilersitsisariaqartoq, taamaalilluni eqqugaasimasut oqaloqateqarnissaannik kiisalu tarnikkut pitsaasumik angusaqarnissaannik periarfissikkumallugit.

Imatullu siunnersuut ingerlatikkusunneqarpoq, susassaqtut pinaveersaartitsinikkut, kiisalu Qeqqata kommunia qinikkanik peqataasoqarluni ingerlanneqartarnissaa.

Imminut toqunnissamik pinaveersaartitsineq Atugarissaarnermut immikkoortortaqarfimmi suleriuserineqartarpoq Politiit Peqqinnissaqarfillu suleqatigalugit, imminut toqunnissamik eqqarsaateqartunut imaluunniit ernumanartumik nalunaaruteqartoqarneratigut, sullissineq pinartutut ernertumik aallartittarpoq.

Innuttaasunik sullissisut imminut toqunnissaminnut ulorianartorsiortunut sullissinissamut pikkorissarneqartarput, sullisseriaatsit assigiinngitsut atorlugit pikkorissaaneq ingerlanneqartarpoq, ThinkInuk oktober 2019-imi imikkoortoq siulleq pikkorissarfigineqarpoq, nunaqarfinnullu siammerterneqartarluni Pitsaaliornermi siunnersortiniit. Namminersorlutik Oqartussaniit pikkorissaanerit ingerlanneqartarput assigiinngitsutigut imminut toqunnissamik pinaveersaartitsinissaq anguniarlugu.

Pikkorissarnerit assigiinngitsut ingerlanneqareernerisa kingorna ikiuiguasuarnissamut upalungaarsimasunik pilersitsisoqarpoq, innuttaasunut atorluarneqartunik. Ikiuiguasuartussatut piareersimasut immikkoortortaqarfiit akimorlugit inuttalersugaapput.

### Naalackersuisut sulinerat ingerlaannarpoq

Naalackersuisut imminut toqunnissamik pinaveersaartitsinermut periusissamik nutaamik suliaqarput. Taanna Naalackersuisut siusinnerusukkut imminut toqunnissamik pinaveersaartitsinermut suliaasaqarfimmi suliarisimasaannik nalilersuineramik tunngaveqarpoq. Periusissami nutaami imminut toqunnissamik pinaveersaartitsinermut suliniutit nunaqqatigiinni pisut aamma pisariaqartitat aallaavigalugit ineriartortinneqarnissaat pingaarnertut ukkatarineqassapput. Periusissiap nutaap ineriartortinneqarnerani innuttaasunut, inuusuttunut utoqqaanerusunullu ornigulluni, taakku tarnikkut peqqinnerulernissap anguneqarnissaannut qanoq sulinissatsinnut naliliinerat isumassarsiaallu ukkatarineqassapput.

### Ikiortariaqartut periarfissaat:

Imminut toqunnissamik eqqarsateqaruit nikallugallutilluunniit oqaloqateqarnissamik pisariaqartitsiguit, siunnersuisarfik Tusaannga aqqutigalugu ikiorneqarsinnaavutit

- Telefon: 80 11 80.
- Ammasarfii:
- Ataasinngorneq - sisamanngorneq 09:00 – 22:00
- Tallimannorneq 09:00 – 04:00
- Arfininngorneq 16:00 – 04:00
- Sapaat 16:00 – 22:00
- SMS atorlugu aamma siunnersorneqarnissat periarfissaavoq. Aajuna normu 1899.

### Suleriuseq atuuttoq:



### Qeqqata Kommunian iliuusersaat nutaat 2021-imi atuutilertut atuutilertussallu:

1. Ilaqtariinnut sullissivik katsorsaanik sulisoqalernissaa akuerineqarpoq, massakkullu sulisussarsiortoqarpoq suli marlunnik, marlunilli sulisoqalereerpoq.
2. Pitsaaliornermut siunnersortit nuunneqarnissaat suliarineqarpoq akuerisassatut kommunalbestyrelse-imiit. Nuunneqarnissat siunertaavoq pinaveersartitineq nukkassaniarlugu ilinniartitaarnermut sunngiffeqarfillu a6taatsimuulissapput.

Immikkoortortaqarfik nutaassaaq suliaasaat pingaarnertit ilarissavaat: Qeqqata Kommuniata suliniutaa “Inuunerissaarpoq – Det gode liv” suleqatigiit assigiinngitsuninngaanniik ingerlanneqarput. Suliffeqarfiit suliniummut peqataasut tassaallutik:



**Kommunalbestyrelsen 19-ians 2021 ileqqusumik ataatsimiinnerani imaqarniliaq  
04/2021**

Kommunip allaffissuani sulisut, kommunip suliffeqarfiutaani sulisut (meeqqereqarfiit, atuarfeqarfiit aammalu MISI - Meeqqat inuusuttullu pillugit siunnersuisarfik) napparsimmavimminngaanniillu.

Suliniutip siunertaasa ilagivaat qanimut suliffeqarfinni suleqatiginneq sulianillu malitseqartitsineq, angajoqqaat attaveqaataasullu akuutinneqarnerunerisigut aammalu peqqinnartumik sammisassaqaarfiusumillu ukioqqortusiartorneq qitiutillugit ingerlanneqarpoq.

Qeqqata Kommunia Meeqqat pisinnaatitaaffiit suliffeqarfimmit innersuussutit meeqqat pitsaasumik inuuneqarnissaanik, aammalu utoqqaat inuunerisa pitsaassusaasa kinaassusaasalu paariinnarneratigut kiisalu innuttaasut allat assigalugit innuttaasut innarluutillit ataqinartumik inuunerisa qulakkeerneqarneratigut anguniagalimmik suliaqarpoq.

Atuilluartaunissakkut kingunerisinnaasai

Ukiuni kingullerni innuttaasut akornanni annertuumik pinartumik ilimaginngisamillu nalaataqarnerlunnermi tarnikkut innuttaasunut ikiuigasuarneq tapersersuinerlu upalungaarsimasuniit ingerlalluarnikuvoq aammalu innuttaasut kingulerlutsitsinissaraluamik annertumik pinaveersaartitsinermik kinguneqarluarsimalluni, tamannalu pillugu ingerlatiinneqarnissaa atuilluarnelluni.

Aningaasaqarnikkut allaffissornikkullu kingunerisinnaasai

Maniitsoq:

Atuiffik	Taagutaa	Budget	Sinneruttut	Atukkat %-lungit
552020201-1101010000-122070300-010570	Kriseberedskab	63.147	4.471	84,9 %

Sisimiuni immikkut budgeteqanngilaq. Misilittakkat takutippaa immikkut kriseberedskab aningaasalerneqarnissaa pisariaqartitartortoq sippuisoorneri pinaveersaartinneqassappata. Angalanerit nunaqarfinni immikkut aningaasaliinertaqanngillat massakkuugallartoq familiecenteriniit aamma konto allaniit angalanerit isumagineqartarput, immikkut misissugassatut inissinneqarpoq. Ilinniartitseqqinnissaq pisariaqassaaq sulisut taarserarneri pissutigalugit.

Allaffeqarfiup naliliinera

Atugarissaarnermut Immikkoortortaqarfik naliliipput. Qeqqata kommuniani assigiimmik innuttaasunut neqerooruteqartarnissaq pillugu ukiuni kingullerni suligasuartartussanut pikkorissaanerit ataavartumik ingerlanneqartartut. Qeqqata kommuniani upalungaarsimasut annertuumik Atugarissaarnermut immikkoortortaqarfimmut oqilisaataasimapput aammalu innuttaasunit tarnikkut ikiorserneqarnissaminnik tapersersorneqarnissaminnillu pisariaqartitsisimasut oqariartuutigaat oqaloqatiginninnerit malitseqartitsinerillu iluaqutigisarsimallugit aammalu neqeroorutigineqartoq qujamasuutigineqarluni. Katsorsaasunik sulisoqarlerneq ilaqaariinnut sullissivimmut nukissanik aamma sakkussanik nutaajusunik isertitinissaq naatsorsuutigineqarpoq. Pitsaaliornermi siunnersortit nuunnerannut suliniutit annertuut kivinneqarluarnissaat naatsorsuutigineqarpoq.

**Innersuussut**

Atugarissaarnermut Immikkoortortaqarfik kommunalbestyrelse-imut innersuussutigivaa akuereqqullugu

1. Qeqqata kommune-ani innuttaasut imminortarneq pillugu eqqartorneqariarluni alloriarneq tullia suussanersoq aliangiineqaqquneqarpoq.

### **Aalajangiineq**

Kommunalbestyrelsemik tusaatissatut tiguneqarpoq

### **Ilanngussat**

1. Siunnersuutip aappaa 26.07.21
2. Grønlands Politi – andre sager (statistik 2016-2020)
3. Qeqqata Kommuniani ikiuigasuarmissamat upalungaarsimasut – januar 2021

**Imm. 4.6 Oqaluuserisassatut siunnersuut – Qaqqatoq takornarissat ornittagaattut.**

*Journal nr. 73.15*

Tunuliaqutaq

Kommunalbestyrelsimi ilaasorta Abel Enoksen 2021-mi juulip 26-ani mailikkut allagaqartuni kommunalbestyrelsimi oqaluuserisassatut siunnersuuteqarpoq.

*“Qeqqata kommunia-ni takornariaqarnikkut inerisaaqqinnissaq eqqarsaatigalugu, Siunnersuutigerusuppara qaqqatoqqap takornariaqarfinngorsinnaanera.*

*Qaqqatoqqaq itillip kangerluaniippoq eqalugaarsunniik qummut aqqusinersuaqarluni. Qaqqatoqqaq takornariaqarfiit qeqqata kommuniani anginerpaat ilagilersinnaavaat, periarfissat tassani arlallit atorluarneqarsinnaallutik.*

*Aasaanerani umiarsuit itillimut tikittartut, eqalugaarsunnut ingerlaqqaartalernissaat periarfissat ilagaat, taamaalilluni aningaasat amerlanerusut isaatinnissaannut QK-ia periarfissagissaarnerulissalluni, takornariaqarnermilu suliaqartut aamma isaatitsiffi illuarsinnaasaannik ammaassissalluni.*

*Umiarsuit itillimut tikittartut akisussaasui oqaloqatigineqassapput, takornarissat nutaamik periarfissikkumallugit una siunnersuut qanoq isumaqarfigineraat.*

*Qaqqatoqqaq kiisalu aqqusinersuup aallartiffia tupersimaarfissanik periarfissaqarluarpoq, tasersuarnillu fiskestangerfiusinnaasunik peqarluni.*

*Qeqqata kommunia aningaasaqarnikkut pitsaasumik ingerlalluassappat, aamma takornariaqarnikkut periarfissat ilaatigut una qaqilertortariaqartoq isumaqarpunga.*

*Qaqqatoqqamut aqqusinersuaq annertunngitsunik iluarsartugassaqarpoq, tamannalu aningaasarpassuit atunngikkaluarlugit iluarsartuunneqarsinnaalluni.*

*Aningaasaqarnikkut pitsaasumik una siunnersuut ingerlasinnaasoq takorloorsinnaavara, innuttaasut nunaqavissut sullissilluarsinnaasut pigeriikkagut atorluartariaqarpat”.*

Maleruagassatigut tunngavigisaq:

Nunami inuussutissarsiutinut tunngatillugu inuussutissarsiornermik siuarsaneq pillugu Inatsisartut inatsisaat nr. 20, 3. december 2012-imeersoq

Pissutsit atuuttut

Qaqqatoqqaq takornarissat ornittagaattut tulluarterujussuuvog, ullumikkullu juulip/aggustip qaammataani ingerlanneqakkajuttumik ukiumut ataasiarluni pisartumik nammineq kajumissutsiminnik mountainbike-rtitsisartut arpatsitsisartullu atortareerpaat. Immikkoortorli inissisimanermi aamma pitsaasumik sissaqarnerminik tikikkuminarnermi aamma Qaqqatoqqap qaavanut aqquteqarnermi malitsigisaanik annertunerujussuarmik atorneqarsinnaavoq.

Atuilluartuunissakkut kingunerisinnaasai

Nunatta immikkoortuani takornarissanik agguarisoqarsinnaammat Destination Arctic Circle amerlanerusunik takornarissanut ornitassalerlugu ineriartortinnissaa atuilluartuuneruvoq. Maniitsoq arfernik alakkarterisarfit aammalu Apussuit nunataat, Sisimiut eqqaani Aqqutikitsoq ukiukkuunerusoq atorneqartartut aammalu Kangerlussuup Sisimiullu akornanni aqqusinnissaq.

Aningaasaqarnikkut allaffissornikkullu kingunerisinnaasai

Qaqqatoqaaq takornarianut tikitassatut suliariniarlugu atortussanik suliaqartoqassaaq aammalu qaavanut aqqusineq pitsanngorsarneqassaaq, taakku aningaasaqarnikkut kinguneqarsinnaapput kisianni Qaqqatoqaaq nunataanut takornarissat amerlanerulernissaat iluatsissappat iserteqqinneqarsinnaapput.

Allaffeqarfiup oqaaseqaatai

Qaqqatoqaaq takornarissanut tikitassatut ineriartortinneqarnissaata siunnersuummik Arctic Circle Business-imik nunap immikkoortortaani takornariaqarnermik periusissamik (Destination Arctic Circle) suliaqareersumik suleqateqarluni pilersinneqarnissaa pissasoq kissaatigaarput, aammalu immikkortumik nittarsaassinissamut aningaasanik immikkoortitsisoqassasoq. Qeqqata Kommunia takornariaqarnerup ineriartortinneqarnissaa pillugu ACB-mik suleqateqareerpoq, tassani [www.arcticcircle.gl](http://www.arcticcircle.gl) aamma [www.investin.gl](http://www.investin.gl) aqqutigalugu ilaatigut Kangerlussuarmut, Sisimiunut aamma Maniitsumut nittarsaassisoqarluni kiisalu nunaminertat attuumasut ilanngullugit nittarsaassisoqarluni.

**Innersuussut**

Allaffeqarfiup kommunalbestyrelsimut innersuussutigaa

- Kommunalbestyrelsimi ilaasortamit Qaqqatoqaaq takornarissanut tikitassatut siunnersuutaa eqqartorneqassasoq
- Qaqqatoqaaq takornarissat tikitassaattut Arctic Circle Business-ip ilanngutissagaa, aammalu periarfissanut nittarsaassisoqassasoq

**Aalajangiineq**

Innersuussutigineqartoq akuersissutigineqarpoq

**Ilanngussat**

**Imm. 4.7 Uddannelsesrádimik (Ilinniartitaanermut siunnersuisooqatigiinnik)  
pilersitsisoqqarnissaa pillugu siunnersuut**

*Journalnr. 01.05*

Tunuliaqutaq

Kommunalbestyrelsimi ilaasortaqq Kirstine Olsen kommunalbestyrelserni tullissaani ataatsimiinnissaanut mailikkut oqaluuserisassatut siunnersuummik nassiussaqqarnikuvoq. *“Siunnersuutigissavara Naalakkersuisut ilinniartitaanermut periusissiaat piviusunnngortinniarlugu Qeqqata Kommuniani uddannelsesrádemik pilersitsisoqqassasoq. Tassani Ilisimatusarfik, Atuartitaanermut immikkoortortaqqarfik, Atuartitaanermut ataatsimiisitaliaq, Atuarfiillu qanimut suleqatigiisinneqqassallutik. Siunnersuummut tunngaviuvoq PhD-nngortup Mitdlarak Lennertip misissuinerata takutimmaqq, atuarfeqqarfinni tamani nakkutilliinermi aallunneqqartartut takutimmassuk, atuarfeqqarfiit ingerlanneqqarnerat ineriartortitsinermut tunngassuteqqarnani atuarfinnik ingerlatsinermut tunngassuteqqartoq, tamannalu atuartitsinerup imarisaanik tunngaveqqanngitsoq. Tamanna pillugu naalakkersuisut ilinniartitaanermut periusissiaannik piviusunnngortotsinissaq anguniarlugu, atuartitaanerp imaanik pitsannngorsaannissamut, pitsaassutsimillu qulakkiikkamik ilinniartitsinikkut aqqissuussaaneq anguniarlugu uddannelsesrádimik Qeqqata kommunia peqalertariaqqarpoq”.*

Maleruagassatigut tunngavigisaq:

Atuarfik pillugu Inatsisartut inatsisaat nr. 15, 3. December 2012-imeersoqq

Pissutsit atuuttut

Atuarfik pillugu Inatsisartut inatsississaattut siunnersuut nr. 15, 3. December 2012-imeersumi § 36 naapertorlugu atuarfiup ingerlanneqqarneranut ineriartortitsinermik sulianut kiisalu nalilersuineramik suliasanut pisussaapput, Kommunalbestyrelsilu kommunimi atuarfeqqarfimmut pingaarnertut akisussaasuulluni aammalu kommunimi meeqqat atuartussaataitaasut tamarmik meeqqat atuarfiannut allatsissimanersut atuartitaanersulluunniit nakkutigissallugu, meeqqat atuarfinni nalinginnaasumik piumasaaqaataasumik anguniakkani allassimasuni. Atuarfiit sulineranni anguniagassat sinaakkutissallu Kommunalbestyrelserni aalajangersassavai. Kommunalbestyrelse atuarfiit sulinerannik ingerlaavartumik nakkutilliisuvoqq, tassunga ilanngullugit Inatsisartut inatsisaanni aalajangersakkanik atuarfiup malitsitsineranut tunngassutilinnik.

Naalakkersuisut Ilinniartitaanermut pilersaarutiminni II-mi tullinnguuttutigut suliniuteqqarpoqq:

- Ingerlaqqiffiusumik ilinniagaqqartarnermut tunngavissat pitsaanerusut
- Qarasaasialerinikkut ilisimasaqqarneq aamma teknologimut paasinnittarneq
- Meeqqat atuarfiannut inatsimmik iluarsaaqqinneq
- Pitsaassutsit aamma atuarfiup ineriartortinneqqarnera pillugu meeqqat atuarfianni suliaqqartut akornanni suleqatigiinnerup nukittunerunissaa
- Meeqqat atuarfianni ilinniartitsisut piginnaasaannik ineriartortitsineq
- Oqaatsinik pissarsiaqqartarnermik nukittorsaaneq
- Immikkut atuartitsisarneq aamma peqataatitsineq
- Atuakkanik naqiterisitsisarnermi periusissiaq
- Atuartut angerlarsimaffiat

Ilinniartitaanermut, Kultureqqarnermut, Timersornermut Ilageeqarnermullu Naalakkersuisoqqarfik kommunit tamarmik, naalakkersuisoqqarfiup aamma ilinniartitaanermut aqutsisoqqarfiup ilaasortaaffigisaannik 2021-mi ilinniartitaanermut oqalliffimmik ingerlaavartussamik pilersitsinikuvoqq. Ilinniartitaanermut pilersaarummit malitseqartut suliniutit arlaqqarput aammalu ilaatigut ilinniartitaanermut aqutsisoqqarfimmit naalakkersuisoqqarfimmiilluunniit

ataqatigiissaarneqartunik nalilersuineramik ineriartortitsinermillu suliniutinut tamalaanut kommunit peqataapput.

Ilinniartitaanermut oqallittarfimmi Ilinniartitaanermut pilersaarummit innersuussutinit malittaasunik pilersaarutitik suliniutinillu sulineri malitseqartitsisoqarpoq. Qeqqata Kommunian taakku saniatigut naalakkersuisoqarfik peqatigalugu meeqqat atuarfiat pillugu periusissiamik suliaqarnermut tunngasunik sammisaqartitsilluni workshoppertitsinissamik pilersaaruteqarpoq.

Pilersaarutaasut covid-19 pissutigalugu unitsikkallarneqarput, aammalu covid-19-imik pisoq iluatsiimeriarpat ingerlanneqassasoq naatsorsuutigineqarpoq. Maannakkut workshoppit marluk ingerlanneqareerput, ataaseq Kommune Kujalleri ataaserlu Kommuneqarfik Sermersuumik, aammalu workshoppit taaneqartuni kommunit tamarmik peqataareerpata periusissiamut ingerlanissamik naalakkersuisoqarfik takkussaqaassasoq pilersaarutaavoq.

#### Atuilluartaunissakkut kingunerisinnaasai

Kalaallit Nunaanni meeqqat atuarfiannik ineriartortitsinissaq pillugu ilinniartitaanerup silarsuaata iluani suliaqartut attuumassuteqartut tamarmik suleqatigiinnissaat atuilluartauneruvoq.

#### Allaffeqarfiup naliliinera

Ilinniartitaanermut oqallittarfimmi ataavartumi pilersinneqaqqammersumi kommunip peqataanera ilinniartitaanermut siunnersuisoqatigiinni siunnersuutaagaluartunisut sunniuteqassasoq nalilerneqarpoq, taamaattumillu kommunimi ilinniartitaanermut siunnersuisoqatigiinnik pilersitsinissaq allaffeqarfimminngaanniit innersuussutigineqanngilaq.

#### **Innersuussut**

Kommunalbestyrelsimut innersuussutigineqarpoq

- Siunnersuutip siunertaanik matussusiisumik nuna tamakkerlugu ilinniartitaanermi oqallittarfimmik aammalu periusissiamik suliaqarnermi Qeqqata Kommuniata peqataanera tapersorneqassasoq
- Mitdlarak Lennert ph.d-nngorniutiminik allaatiginninnini pillugu kommunalbestyrelsimut saqqummiinissamut aggersarneqassasoq akuersissutigineqassasoq

#### **Aalajangineq**

Innersuussutigineqartut taasineramik inernilerneqarput

akuersisut: 11

Jens M. Lyberth, Karl Lyberth, Abel Enoksen, Juliane Enoksen, Nivi H. Efraimsen, Siverth K. Heilmann, Malik Berthelsen, Evelyn Frederiksen, Gideon Lyberth, Aqqalu Skifte,

taaseqataanngitsut: 3

Steffen Johansen, Barnabas Larsen, Kirstine Olsen

Taasineri innersuussutigineqartoq akuersissutigineqarpoq.

#### **Ilanngussat**

## **Imm. 4.8 Ungusiviup qaavani aqquserngit aqqi**

*Journalnr. 00.25.02*

### Tunuliaqutaq

Ungusiviup qaavani aqquserngit atersorneqartussaapput. Tassunga atatillugu februar/marts 2021-mi Pilersaarusiornermut immikkoortortaq Qeqqata Kommuniata Facebookkiatigut aamma Nipi Avisi aqqutigalugit Maniitsumi innuttaasunit siunnersuutinik pissarsiniarnikuuvoq.

### Maleruagassatigut tunngavissat

Aningaasaqarnermut Nunamullu Namminermet ministeriaqarfik: Kalaallit Nunaanut aqqusernit atiinik qitiusumik nalunaarsuiffimmit (CPR) Kalaallit Nunaanut nalunaarut. Suliap mormua 2018-473, Allak. normua 543153, Ulloq 27-09-2018.

### Pissutsit atuuttut

Nunap assingani ilanngussaq 1-imi takuneqarsinnaasut, Ungusiviup qaavani aqquserngit tallimaasut atserneqarnissaat amigaataavoq. Siunnersuutit tiguneqartut ilanngussaq 2-tut ilanngunneqarput.

### Atuilluartaunissakkut kingunerisinnaasai

Soqanngilaq.

### Aningaasaqarnikkut allaffissornikkullu kingunerisinaasai

Soqanngilaq.

### Allaffeqarfiup naliliinera

Maniitsumi TAI-ip innersuussutigaa siunnersuuteqartut ilaannit siunnersuutigineqartoq ullorissanut "Asaluusat"-nut assingunera aallaavigalugu ullorissat taaguutaannik aqquserngit tullinnguuttuni ima ateqalissasut:

- Vej 1: **Asaluusat** (Karlsvognen)
- Vej 2: **Siattut** (Orions bælte)
- Vej 3: **Qaasiut** / **Ullup Malittaa** / **Malittaa** (planeten Venus)
- Vej 4: **Qiluttuusat** (Syvstjernen)
- Vej 5: **Aassuutit** (Altair aamma Tarazed)

### Allaffeqarfiup innersuussutaa

Pilersaarusiornermut immikkoortortap Teknikkeqarnermut Avatangiisinullu ataatsimiititaliamit kingusinnerusukkullu Kommunalbestyrelsimit aalajangigassanngorlugu innersuussutigivaa, aqquserngit atiisa sorliit Ungusivimmi sumiiffinnut taaguutaasanersut.

### Teknikkeqarnermut ataatsimiititaliap suliamik sularinninnera

Teknikkeqarnermut ataatsimiititaliap julip 28-ani 2021 ataatsimiinnermini suliaq sularivaa kommunalbestyrelsimullu innersuussutigineqartut aalajangigassanngorlugit ingerlatillugit.

### **Innersuussut**

Teknikkeqarnermut ataatsimiititaliap kommunalbestyrelsimut isummerfigisassanngorlugu innersuussutigivaa:

- immikkoortoq tamarmiusoq 'Ungusiviup qaava'-nik ateqartinneqassasoq, imaluunniit;

- immikkoortumi (Aqqusineq 1) nassuiaatigineqartumik immikkoortoq ilisarsnaaserlugu siunnersuut "Asaluusat" (Karlsvognen) malillugu ullorissat sammisaralugit aqquserngit atserneqassat, kiisalu aqqusineqqat tlinnguuttut:

- Aqqusineq 1: **Asaluusat** (Karlsvognen)
- Aqqusineq 2: **Siattut** (Orions bælte)
- Aqqusineq 3: **Qaasiut / Ullup Malittaa / Malittaa** (planeten Venus)
- Aqqusineq 4: **Qiluttuusat** (Syvstjernen)
- Aqqusineq 5: **Aassuutit** (Altair og Tarazed)

imaluunniit

- Utoqqaat illuannit Neriusaamit siunnersuutit malillugit aqquserngit atserneqassat
  - Aqqusineq 1: **Asaluusat**, Nunap assingani aqqusineramik nalunaaqqanera aappalaartuusoq ullorissanut Karlsvognen assingummat.
  - Aqqusineq 2: **Qattuneralak**
  - Aqqusineq 3: **Qaava**
  - Aqqusineq 5: **Iiveqarfiup Qaqqaa**

### **Aalajangiineq**

Innersuussutigineqartumi siulleq, aqqusineq Ungusiviup Qaavanik atserneqarnissaat innersuussutigineqarpoq

akuersissutigineqarpoq

### **Ilanngussat**

1. Aqquserngit pillugit nunap assinga
2. Siunnersuutit tiguneqarnikut



#### **Imm. 4.9 Illunik eriagisassanik suliaqartarnermik ineriartortitsilluni suliaqarneq**

*Journalnr. 16.02.10*

##### Tunuliaqutaq

Illunik eriagisassanik suliaqartarnermut aalajangersimasumik periuseqalernissamut suliaqarnermi siunertalimmik sisimiuni illunik kulturikkut kingornussassat pillugit Sisimiuni TAI ineriartortitsilluni suliamik annertuumik 2013-imi aallartitsivoq. Sulineq Innuttaasunut, illunik eriagisassanik najugalinnut/piginnituusunut, ilisimasalinnut allaffeqarfimmullu isumasioqatigiissitsinermik aallartinneqarpoq. Malitsigisaanik illunik eriagisassanik suliaqartarneq pillugu suliamik sulinermi ingerlatseqqittussamik ataatsimiittaliamik pilersitsisoqarpoq.

Ataatsimiittaliaq aserfallatsaaliinermi ilitersuumik suliaqarpoq aammalu Sisimiuni illunik eriagisassanik illunillu eriagisassanngorsinnaasunik nalunaarsuilluni.

Pilersaarusernermut immikkoortumi annertuumik taarseraattoqarnera aammalu sulisut amerlassusaannik ikilisitsineq pissutigalugu suliaq naammassineqanngitsoorpoq.

Kommunalbestyrelsep 2019-imi maajip 29-ani ataatsimiinnermini tullinnguuttutigut aalajangiivoq; Borgmesterimit kiisalu Teknikkeqarnermut Aatsitassarsernermut Avatangiisinullu ataatsimiittaliami siulittaasumit politikikkut peqataasoqarluni illunik eriagisassanik suliaqarneq ingerlateqqinneqassasoq, iluarsartuussinissamut aningaasaliissutit ilaat illunut eriagisassanut innuttaasunit pigineqartunut immikkoortinneqarsinnaaneranut periarfissanik allaffeqarfik misissuissasoq aammalu Sisimiuni Maniitsumilu TAI-mi sulisut amerlineqarnissaat 2020-mut missingersuutunik eqqarsaatersuuteqarnermut ilanngunneqassasoq. Takuuk ilanngussaq 1.

Suliamik saqqummiussap matuma illunik eriagisassanik ineriartortitsilluni sulinissap qanoq qaqqeqqinneqarnissaanik nassuiaavoq. Sulissaq piffissatut pilersaarutissatut siunnersuummi ilanngusami tigussaasunngortinneqarnerussaq (ilanngussaq 2).

##### Maleruagassatigut tunngavissat

- Eqqissimatitsisarneq aamma allatigut kulturikkut eriagisassanik kulturikkut kingornussatut illersuineq pillugu Inatsisartut Inatsisaat nr. 11, 19. maj 2010-meersoq
- Pilersaaruserneq aamma nunaminertat atorneqartarneri pillugit Inatsisartut inatsisaat nr. 17, 17. november 2010-imeersoq (Pilersaarusernermut inatsit).
- Kommunini pilersaarusernermi eriagisassatut eqqarsaatigineqartussat isumagineqartarnerat pillugu Namminersorerullutik Oqartussat nalunaarutaat nr. 31, 30. oktober 1991-imeersoq.
- Katersugaasiveqarneq pillugu Inatsisartut inatsisaat nr. 8, 3. juni 2015-imeersoq
- De gule bynotater, 1990, Aningaasaqarnermut Pisortaqarfik, Nuna tamakkerlugu pilersaarusernermut malitassiaq

Pilersaarusernermut inatsit aamma eriagisassatut eqqarsaatigineqartussanik suliaqarneq pillugu Namminersorerullutik Oqartussat nalunaarutaat naapertorlugu kommunimi pilersaarusernermi, kommunit immikkoortut ilaannut aalajangersakkanik aalajangersaanikkut, eriagisassanik pissutisinut eqqarsaatiginnissaaq, taamaalilluni nuna tamakkerlugu eriagisassanik soqutiginninnermut tunngassuteqartut qulakkeerneqarlutik. Taamaattumik pingaaruteqarpoq, Qeqqata Kommuniata illunik eriagisassanik suliaqarnini qaqqeqqissagaa, kommunimi illoqarfinni nunaqarfinnilu illunik eriagisassanik inaarutaasumik toqqaasoqarnissaa siunertaralugu, taamaailiornikkut qulakkeerneqassammat, sanaartukkat immikkuullarinnerisa annaaneqannginnissaa.

Pissutsit atuuttut

Kulturikkut kingornussassaq pillugu nuna tamakkerlugu nunarsuarlu tamakkerlugu assigiinngitsunik periuseqarluni suliaqartoqartarpoq. Kalaallit Nunaanni nuna tamakkerlugu illut pingaaruteqassusaat pillugu, taakku illutut eriagisassatut eqqissisimatitatullu toqqarneqarput. Illut eqqissisimatitat aallaavittut allanngortiteqqusaanngillat, silatimikkut iluatungaaticullu. Illuatungaaticut illu eriagisassatut toqqarneqarsimappat, taamaallaat illup silataanut atuuppoq. Illut eriagisassat silatimikkut allanngortinneqarsinnaanerit, illup isikkoqqaavanut, tamanikkut sanariaatsimut, ilusilersueriaatsimut kulturikkullu oqaluttuarisaanermut mianerinnittumik malittarisassaalunnik malitassaqarpoq.

Illunut eriagisassanut kommuni akisussaasuvoq, Naalakkersuisulli taamaallaat akuliutsinneqarsinnaallutik, kommuni illut eriagisaasut isikkuinik allannguinnissaminik kissaateqarsimappat. "De gule bynotater" 1990-imi namminersornerullutik oqartussanit suliarineqartoq, tassani illut eriagisassat immikkoortullu takuneqarsinnaallutik. Illunik immikkoortunillu eriagisassanik toqqartuineq ukiut 30 matuma siorna pinikuvoq, annertunerusumik innuttaasunik akuutitsinertaqanngitsumik. Piffiisap ingerlanerani illut eriagisassaasut ilaat eriagisassaajunnaarsimappat, kisianni de gule bynotater nutarterneqarnikunngillat. Aammattaaq de gule bynotater-ini allassimannngitsunik illunik eriagisassat pillugit allaaserisanik/nalunaarsukkanik paasissutissanik peqarpoq.

Allaffeqarfik aammattaaq illut suut eriagisassaanerinit eqqissisimatitaaanerinnullu ullutsinni ataatsimoorussamik paasinnilluartoqarneranik paasinarsititsisumik innuttaasunit saaffiginnissutinik tigusaqartarpoq aammalu taamaaliornikkut illunik eriagisassanik nutarsaanissamut allanngortiterinissamullu malittarisassat tamaalillutik malinneqarsimanatik. Illunik eriagisassanik nutaamik nalunaarusiorinissamik ingerlatsisoqarnissaanut pisariaqartoqartoq saaffiginnissutit aammattaaq naqissuserpaat, illut arlallit ilutsimikkut nalilerneqarnerat malillugu, silatimikkut annertuumik allanngorsinerat pissutigalugu eriagisassatut isigineqarsinnaanissaat ilimanaateqarmat.

Siumut sammisumik ineriartortitsilluni sulinissami siunertaq tullinnguuttoq tassaavoq:

- Kommunimi illoqarfinni nunaqarfinnilu tamani illut/immikkoortut tamarmik eriagisassaasutut taaneqarsimasut nalunaarsorneqarsimasullunniit misissorneqarnissaat nalunaarsorneqarnissallu, gule by notat-ini, pilersaarusiornermut tunngavissami aamma/imaluunniit nalunaarsuiffinni nivinngakkaniluunniit takuneqarsinnaappata takuneqarsinnaanngikkaluarpataluunniit.
- Illunut immikkoortunullu kiisalu illunut eriagisassanngorsinnaasunut tamanut erseqqissaasumik illoqarfinnut nunaqarfinnillu takussutissamik (atlas) (Qeqqata Kommunianut Eriagisassanut takussutissiaq) suliaqartoqassasoq.
- Qeqqata Kommuniani illoqarfinnut nunaqarfinnillu tamanut illunut/immikkoortunut eriagisassaasunut periusissiamik kommunip pilersaarusiordfigineqarnerani tapliussassamik suliaqartoqassasoq.

Eriagisassanut takussutissaq kommunimi illoqarfinni nunaqarfinnilu tamani illunik immikkoortunilu eriagisassanik allattorluakkamik tulleriiaakkamik nassuiaamillu imaqassaaq. Qeqqata Kommunianut illoqarfinnut nunaqarfinnillu takussutissiamik suliaqarnissamut isumassarsiorfittut atorneqarsinnaasussaq Nuummut Illoqarfimmut takussutissaq (ilanngussaq 3) ilanngunneqarpoq. Takussutissiaq illut/immikkoortullu sorliit eriagisassaannersut pillugit innuttaasunut politikerinullu paasissutissiinissamut sakkussatut tigussaasut atuuttussatut eqqarsaataavoq, kisianni aamma sooq illu/immikkoortoq eriagisassanngortinneqarsimaneranut. Taamaaliornikkut takussutissiaq kommunip illutigut kingornussaataasa qanoq innerinik maannakkut issusaaannik tamakkiisumik takussutissiissaat, kisiannilu ilutigalugu, illunik/immikkoortunik illut

pillugit oqaluttuanik atassusiinikkut kulturikkut oqaluttarisaanikullu pingaaruteqassusaa ersersillugu.

Takussutissiaq tunngavigalugu, illoqarfinnut nunaqarfinnullu tamanut ataasiakkaanut kommunip pilersaarusiordfigineqarnerani tapiliussassamik suliaqartoqarsinnaassaaq, taammalilluni illumi kingornuussami takutinneqartumi kulutirikkut kingornussassaq qulakkeerneqarluni, illut/immikkoortut sorliit eriagisassaanerinut aalajangersagaqarnikkut. Nuummi illunut eriagisassanut kommunip pilersaarusiordfigineqarnerani tapiliussassami assersuut (ilanngussaq 4) ilanngunneqarpoq.

Immikkoortunik eriagisassanik ineriartortitsilluni sulinissamut periusisaaq piffissatut pilersaarutissatut siunnersuummi (ilanngussaq 2) ilanngussami nassuiarneqarpoq. Ineriartortitsilluni sulineq 2021-mi maajimi aallartilluni ukiuni marlunni ingerlasussatut naatsorsorneqarnikuvoq. Marloraammik sulinissaq pinngitsoorniarlugu, 2013-imi suliat ingerlanneqarsimasut sularineqarnerat ingerlateqqinneqassaaq. Ineriartortitsilluni sulinermut tapertaasussamik, TAI-mi pilersaarusiordnermut immikkoortortamit, Nunatta Katersugaasivianit, Sisimiuni katersugaasivimmit kiisalu illussanik titartaasartumit/nit inuttalersukkamik eriagisanut suleqatigiissitamik (sulianik ilisimasallit/suleqatigiissitaq) pilersitsisoqassaaq. Suleqatigiissitap illut immikkoortullu kulturikkut oqaluttarisaanikkullu pingaaruteqassusaaq eqqartortassavaa, illunik nutaamik nalunaarsuinissamut periusissamik eqqartuilluni, innuttaasunik paasisutissiilluni ataatsimiinnernut peqataasarluni aammalu illunut/immikkoortunut eriagisassanut illoqarfimmi nunaqarfinnilu takussutissamik ilusilersuinermit nalilersuiner nullu peqataalluni.

#### Atuilluartaunissakkut kingunerisinnaasai

Kommuni inatsit aqutigalugu illunik eriagisassanik tulluartaumik suliaqarnissamik qulakkeerininnissaanut pisusaaffeqarnerata saniatigut allaffeqarfik naliliivoq, illuni kulturikkut kingornussassap illersorneqarnissaa pingaaruteqartoq, illut immikkoortullu eriagisassasut pitsaasut kusanartullu, innuttasunut iluaqutaasumut illoqarfinnut nunaqarfinnullu kinnaasuserseeqataammata, taassumalu saniatigut takornarissanik inuussutissarsiutilinnillu qammaanermi sunneeqataammata.

#### Aningaasaqarnikkut allaffissornikkullu kingunerisinaasai

Illunut nalinginnaasunut atuuttutuulli, illunik eriagisassanik piginnittoq illumik aserfallatsaaliinermit tassungalu aningaasartuutunik akiliinissamut akisussaasuvoq. Takuuk illuliortiternermi aningaasalersuisarneq pillugu inatsisartut inatsisaat aamma Tapiissutitalimmik illulianik iluarsaassinermut, pitsanngorsaanermut alliliiner nullu tapiisarneq pillugu Namminersorlutik Oqartussat nalunaarutaat, illunik namminerisamik piginnittut ullumikkut illuminnik nutarsaanissamut tapiiffigineqarnissaq taarsigassarsitinneqarnissarlunniit pillugit kommunimut qinnuteqarsinnaanermut periarfissaqarput, piumasaaqataasunut assigiinngitsunut naammassinnikkunik. Ineriartortitsilluni suliaqarnerup ilaatut allaffeqarfiup misissussavaa, nutarsaanissamik suliniutinut atatillugu aningaasaateqarfinnik qinnuteqarfiusinnaasunik peqarnersoq aammalu illumik kingornussassamik qulakkeerininnermut ikiuussinnaasumik.

#### Allaffeqarfiup naliliinera

Allaffeqarfiup nalilerpaa, illunut eriagisassanut kommunip pilersaarusiordfigineqarnerani tapiliussassaq/sat siumut sammisumik pilersarusiordnermik nunaminertanillu ingerlatsilluni sulineq allaffissornikkut oqilisaaffigissagaa, siullermik illut sorliit eriagissassaanersut takussutissamik pilersitsinikkut, kisianni aamma ilatigut illunik/immikkoortunik eriagisassanik suliaqarnermut pingaarnertut malittarisassanik oqaasertalersuinikkut.

Allaffeqarfiup nalilerpaa, eriagisassanut takussutissiap aamma kommunip pilersaarusiordfigineqarnerani tapiliussaq qulakkeerinneqataassasut, illunut immikkoortunullu

eriagisassanut Qeqqata Kommunia ersarissumik periuseqarneranut, siunissami pingaarnertut kommunip pilersarusiorneqarnerani ilaatinneqarsinnaasumik.

Allaffeqarfiup innersuussutaa

Teknikkimut avatangiisinullu immikkoortortap Teknikkeqarnermut Ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigaa,

- Qulaani (ilanngussaq 2) piffissatut/pilersarusiornermut pilersaarummut naapertuuttumik illunik eriagisassanik suliaqarneq aallarteqqinneqassasoq

Aningaasaqarnermut ataatsimiititaliap suliamik suliarinninnera

Ataatsimiititaliap immikkut ataatsimiinnermini 1. Juni 2021 innersuussut akuersissutigivaa.

**Innersuussut**

Aningaasaqarnermut ataatsimiititaliap kommunalbestyrelsimut akuerisassanngorlugu innersuussutigigaa

- Qulaani (ilanngussaq 2) piffissatut/pilersarusiornermut pilersaarummut naapertuuttumik illunik eriagisassanik suliaqarneq aallarteqqinneqassasoq

**Aalajangiineq**

Innersuussutigineqartoq akuersissutigineqarpoq

**Ilanngussat**

1. 2019-im maajimit immikkoortoq
2. Piffissamut/pilersarusiornermut pilersaarut
3. Sermersooq illoqarfimmut takussutissaq (atlas)
4. Sermersooq illunut eriagisassanut ktp

**Imm. 4.10 Qeqqata Kommunianut 2012-imit 2024 tikillugu Kommunip  
pilersaarusiortfigineqarnerani tapiliussaq nr. 24 Sisimiuni Kangerluarsunnguami  
inuussutissarsiuuteqarfik B8, etape 3-p nalunaarutigineqarnera**

*Journalnr. 16.03.01.01*

Tunuliaqutaq

Kangerluarsunnguaq sinerlugu nunaminertanik atuinissamut kissaateqarlutik, inuussutissarsiortut Teknikkeqarnermut Avatangiisinullu immikkoortortamut saaffiginnissuteqarnikuupput.

Umiarsualivimmuut attuumassuteqartunik inuussutissarsiutinut sammisanullu assigiinngitsunut sullissinissamut immikkoortup atorneqarnissaa kissaatigineqarpoq, soorlu kilisaatinut aammalu umiarsuarnut takornariartaatinut. Taamaattumik suliamut tassunga Kangerluarsunnguaq sinerlugu nunaminertat oqilisaataassapput, ilaatigut illoqarfikkut oqimaatsunik assartuinerit pinngitsoortinneqarsinnaallutik. Innaallagissamut, imermut imaluunniit kuuffissuarnut attavilersinneqanngikkaluarluni ingerlatsisinnaallutik, inuussutissarsiuuteqartut paasissutissiipput. Sanaartorfissagissaanermut aningaasartuutit kiisalu nunaminertanik qinnuteqartunut m2-mut akit aalajangiiffigineqariarpata, nunaminertat saqqummiunneqassapput qinnuteqarfineqarsinnaanngorlutillu. Taamaattorli nunaminertat 1 aamma 2 hestinit ungalusamut kiisalu nersutaasivimmuut piffissamik aalajangersimasumik atugassinneqarsimasut, 2022-mi juulip 31-ani atuukkunnaarpata aatsaat saqqummiunneqarsinnaallutik.

Maleruagassatigut tunngavissat

Qeqqata Kommunianut 2012-imit 2024 tikillugu Kommunip pilersaarusiortfigineqarnerani tapiliussaq nr. 24 Sisimiuni Kangerluarsunnguami inuussutissarsiuuteqarfik B8.

Pissutsit atuuttut

Kangerluarsunnguaq sinerlugu aqqusineq, Qinnungnguanut, ukiuni 2007-2012-imi sanaartorneqarpoq, Illoqarfimmi pilersaarut B8 2007-imi inaarutaasumik akuersissutigineqartoq naapertorlugu. 2012-imi malitsigisaanik kommunip Containerinut inissiisarfia 2 pilersinneqarpoq, ujarassaqalerpallu annertusarneqassalluni.

Immikkoortup ilaa B8 inuussutissarsiortnermut siunertalinnut immikkoortitaavoq, ullumikkullu kommunip pilersaarusiortfigineqarnerani tapiliussakkut nr. 24-kkut 2017-mi inaarutaasumik akuersissutigineqartukkut naleqqussarneqarluni. Kommunip pilersaarusiortfigineqarnerani tapiliussami immikkoortup ilaa immikkuualuttunut arfineq-pingasunut B8.1 – B8.8-nut agguataarneqarpoq, taamaalillunilu immikkoortup ineriartortinneqarnera immikkoortunut assigiinngitsunut aggulunneqarluni. Immikkoortoq B8.1 sanaartorfissagissaarneqareersoq immikkoortoq 1-imiippoq, sanaartorfissallu amerlanerusut ullumikkut atugassinneqareersimannngikkunik qinnuteqaatigineqareerput, kiisalu immikkoortoq B8.3 inuussutissarsiutinik pioreersunik imaqartoq. Immikkoortoq B8.2 heliporteqarfiusimasup eqqaaniittoq immikkoortoq 2-miippoq. Immikkoortumik sanaartorfissagissaaneq naammassineqareerpoq (2019), sanaartorfissallu immikkoortinneqareerlutillu saqqummiunneqareerput. Immikkoortumi suli sanaartorfissanik peqaraluartoq, Kangerluarsunnguami Qinnungnguanut sinerlugu immikkoortoq B8.4-mi nunaminertat suliffeqarfimmit soqutigineqarnerat, allaffeqarfimmit misigineqarpoq. Kommunip pilersaarusiortfigineqarnerani tapiliussaq naapertorlugu, immikkoortunut inuussutissarsiuuteqarfinnik nutaanik ineriartortitsinissamut immikkoortoq maannakkut aallartisarneqarsinnaavoq.

Soqutiginninneq Qeqqata Kommunianit akuersarneqassappat, Qinnungnguanut sinerlugulu immikkoortoq B8.4-p atorneqarnissaanut periarfissamik ammaasoqarluni, sanaartorfissanut nutaanut sanaartorfissagissaanissamut akileeqataassutissat aalajangerasarneqassappat, tamatumalu

kingorna saqqummiinissamat suliaq aallartisarneqarsinnaalissalluni. Sanaartorfissat nutaat qanoq immikkoortinneqarsinnaanerit pillugu allaffeqarfiup siunnersuutaa ilanngussaq 1-imi allassimavoq. Aqqusinikkut appakaaffissaqareermat, inuussutissarsiutillillu nunaminertani imermik imaluunniit kuuffissuarmik piumasagaateqanngimmata, immikkoortumi annertuneruqumik sanaartorfissagissaanissamik pisariaqartitsisoqanngilaq. Innaallagissamat attavilersinneqarnissaq kissaatigineqarpat, attaviit ingerlanneqarlutillu innaallagissamat pilersuivimmik pilersitsisoqassaaq, taannalu katillugu 2 million koruunit missaanik naleqassalluni. Pisariaqartitsisoqalissagaluarpat, kingusinnerusukkut innaallagissamik pilersuivik pilersinneqarsinnaavoq. Kuuffissuarmut imermullu attavilersinneqarsinnaanermut periarfissalimmik nunaminertamik kissaateqartoqalissapat, B8-mi sanaartorfissat ilaannut saqqummiunneqareersunut sulilu atugassinneqarsimannngitsunut innersuussisoqarsinnaavoq.

Immikkoortoq B8.4-mi sanaartorfissanut nutaanut, Kangerluarsunnguag sinerlugu Qinnungnuanut avannaatungaani immersorneqarsinnaasunik nunaminertanik iluanaarutit pissarsisoqarsinnaavoq, soorluttaaq immikkoortoq B8.1-imi sanaartorfissani tamanna pisoq. Qinnungnuanut kujataatungaani nunaminertanut nunaminertat iluanaarutit qaleriittuupput, Qeqqata Kommunianut containerinik inssiisarfimmik pilersitsinissamat nunaminertamik atugassisoqareermat. Kangiutungaani kitaanut nunaminertanik qinnuteqartut, sanaartorfissamik sorlermilluunniit atugassinneqartut nunaminertamik iluanaarummik pissarsissapput.

Atuilluatuunissakkut kingunerisinaasai

Qinnungnuanut attuumassuteqartunik nunaminertanik inuussutissarsiuteqartut atuisinnaalernissaannut periarfissiineq naapertuullunilu atuilluatuunerussaaq, taamaalillutillu umiarsualivimmu ajornaanneruqumik appakaassinnaalissallutik. Taamaaliornikkut suliffeqarfiit umiarsualivimmu attuumassuteqartumik suliaqarnerminni qummukajaakkut sivingasutigut, illoqarfikkullu oqimaatsunik assartuisarnissaminik pinngitsoortitsinnaassallutik.

Aningaasaqarnikkut allaffissornikkullu kingunerisinaasai

Kommunip pilersarusiorfigineqarnerani tapiliussami nunap assingani 2-mut atatillugu, ilanngussaq 1-imi sanaartorfissat aqqinneqarnikuupput. Sanaartorfissat tallimat immikkoortinneqarnikuupput, taakkunani ujaqqanik sinnerussimasunik immerneqarsinnaasunik nunaminertamik iluanaarutissamik pissarsinissaminut periarfissaqassallutik.

Innaallagissamat, imermut kuuffissuarmullu attavilersinneqarnissamat sanaartorfissagissaaneq ilanngunnagit, aqqusinniornermut sanaartorfissagissaanermut nammineq akiliummut akeq ilaavoq. m2-imut akeq 134,58 koruuniussaaq, eqitsit 1 ataaniittoq takuuk. Immikkoortumut B8-mut siusinnerusukkut sanaartorfissagissaanermut nammineq akiliutissatut naatsorsorneqartunut akit aallaaviupput. Qinnungnuanut pilersitsinermut kommuni siusinnerusukkut annertuumik 23 millioninik aningaasartuuteqarnikuuvoq, taamaalilluni sanaartorfissanut sanaartorfissagissaanermut nammineq akiliuteqarnikkut kommunimit aningaasartuutigineqarsimasut utertinneqarsinnaalissapput.

**Eqitsit 1 Nunaminertat annertussusaat sanaartorfissagissaanermullu nammineq akiliutissaq**

Nunaminertaq	m2	Sanaartorfissagissaanermut nammineq akiliutissaq	m2-mut aki
1	2776	373.594,08	134,58
2	2556	343.986,48	134,58
3	2186	294.191,88	134,58
4	1881	253.144,98	134,58
5	1843	248.030,94	134,58

**Kommunalbestyrelsep aggstip 19-iani 2021 ileqquusumik ataatsimiinnerani imaqarniliaq  
04/2021**

Nunaminertaq iluanaarutissaq	m2		
A	1790		
B	1770		
C	1620		
D	1536		
E	1510		

Allaffeqarfiup naliliinera

*Sanaartorfissanik B8.4-miittunik sanaartorfissagissaanissamut saqqummiinissamullu aallartitsinissamut tunngaviit:*

Allaffeqarfik naliliivoq, piffissami matumani inuussutissarsiuteqarfinnut immikkoortortanik ineriartortitsinermut ingerlateqqinneqarnissaanut naammattunik tunngavissaqartoq, immikkoortoq B8.4-milu sanaartorfissat tallimat nutaat, nunaminertanik iluanaarutitik immerneqarsinnaasut ilanngullugit, saqqummiunneqarnissaat siunertaralugu sanaartorfissagissaanissaq aallartinneqartariaqarput.

Immikkoortoq B8.4-mi sanaartorfissat nutaatigut, Qinngunnguanut sinerlugu (Kangerluarsunnguaq sinerlugu) suliffeqarfiit umiarsualivimmut toqqaannartumik appakaannissamut periarfissaqalissapput, immikkoortutigullu assartuutitik oqimaatsinik ingerlavigineqarsinnaalluni. Illuatungaatigut B8.1-imi Qimmeqarfiup nalaani sanaartorfissani pioreersuni kiisalu heliportikup avannaatungaani B8.2-mi umiarsualivimmit aqquserngit sivingavallaarnerisigut, assartuineranut oqimaatsunut unamillernartuulluni, nunaminertallu ilaasa suli atorneqannginnerinut patsisaasut ilagisinnaallugu.

Kommunip pilersaarusiorfigineqarneranik tapiliussa q. nr. 24 naapertorlugu, immikkoortoq B8.4 qaqqami inuussutissarsiuteqarfinnut nutaamut aammalu Qinngunnguanut sinerlugu immiinnikkut inissiivimmut immikkut immikkoortinneqarpoq. Pilersaarummut tunngavik tunuliaqutaralugu qaqqami 30-40 meterinik itisiliinnikkut qaartiterereernermi, kippasissortaatigut sulluliornikkut toqqorsivinnik pilersitsinissamut periarfissiivoq. Inuussutissarsiornermut nunaminertap annerpaamik affaa sanaartorfineqarneratigut, immikkoortoq sanaartorfineqarsinnaavoq.

Allaffeqarfik naliliivoq, qaartitserineq annertungaatsiassammat aammalu tassunga atatillugu aningaasartuutit qaffasissorujussuussammata, ukiuni arlalinni tulliuttuni qaqqami sulluliornikkut toqqorsivinnik pilersitsinissamut periarfissaq atorneqarnavianngitsoq. Taamaattumik allaffeqarfiimmit nalilerneqarpoq, immikkoortup kippasissortaa sulluliornissamut qaartiterinissamik imaqtartumi sanaartorfissat saqqummiunneqartariaqanngitsut.

Allaffeqarfik naliliivoq, nunaminertanik piareersaanermut atatillugu sanaartorfissanut nutaanut qinnuteqartut, Kangerluarsunnguup kujataatungaani imaluunniit Qeqqata Kommuniata Containerinut inissiisarfia 2-mi nunaminertat iluanaarutaasut atorneqarnissaat kissaatigineqanngippat, nunaminertanut iluanaarutaasunut immiissutissatut piukkunnaateqartunik atortorissaarutitik nuussisoqarsinnaassasoq. Taamaaliornikkut ujaqqanik assartuinnissamut qinnuteqartunut annertunerusumik aningaasartuuteqartitsinissaq pinngitsoortinneqassaaq.

Allaffeqarfik naliliivoq, immikkoortumi assaanermi issunik assartuineq qinnuteqartumit akisussaaffigineqassasoq.

Aningaasaqarnermut ataatsimiititaliap suliamik suliarinninnera

Ataatsimiititaliap immikkut ataatsimiinnermini 1. Juni 2021 innersuussutit akuersissutigivai.

**Innersuussut**

Aningaasaqarnermut ataatsimiititaliap kommunalbestyrelsimut akuerisassanngorlugu innersuussutigigaa

-Inuussutissarsiornermut immikkoortumi B8.4-mi sanaartorfissat nutaat nunaminertanik iluanaarutitalinnik saqqummiisoqassasoq

- B8.4-mi sanaartorfissanut tallimanut sanaartorfissagissaanermut nammineq akiliutissaq kvadratmeterimut 134,58 koruunimik aalajangersaasoqassasoq

-Aalajangiineq pillugu Teknikkeqarnermut ataatsimiititaliaq paasissutissiivigineqassasoq

**Aalajangiineq**

Innersuussutigineqartut akuersissutigineqarput

**Ilanngussat**

1. B8.4-mi sanaartorfissanut nunap assinga
2. Kommunimi pilersaarummut ilassut nr. 24



**Imm. 6.1 Borgmesterip aalajangiinera - Kommunalbestyrelsimi qinikkatut  
killiligaanngitsumik sulinnikkallarnissamik qinnuteqaat – Malia Larsen Rosing**

*Journalnr. 01.01.03*

Tunuliaqutaq

Kommunalbestyrelsimi ilaasortaq Malia Larsen Rosing peqqissutsini tunngavigalugu piffissaligaanngitsumik kommunalbestyrelsimi ilaasortatut sulinnikkallarnissani 12. juli 2021 mailikkut qinnuteqaatigivaa.

Maleruagassatigut tunngavissat

Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersoq § 54 ima allassimavoq:

*Imm.1 Ilaasortaq qinigaaffiup iluani kommunalbestyrelsimi tunuarniarluni qinnuteqarpat, qinnuteqaat taamaattoq qanoq kinguneqartinneqassanersoq kommunalbestyrelsi aalajangissavaa.*

*Imm. 2. Qinnuteqaat ilaasortap peqqissusaata qanoq issusianik tunngavilersorneqarpat, sulianik assigisaanilluunniit pingaaruteqartunik pissuteqarpat, pineqartup ilaasortaanissaanut ajornarnerulersitsippat, qinnuteqaat naliginnaasumik akuerineqassaaq.*

Pissutsit atuuttut

Qinnuteqaat tunngavissaqarluarmat, qinnuteqaat akuerineqartariaqarpoq.

Malia Larsen Rosing-ip kommunalbestyrelsimi qinikkatut sulinnikkallarnerni, Inuit Ataqtigiinniit sinniisussatut allattorsimaffik naapertorlugu, siullertut allassimasoq Agathe Fontain kommunalbestyrelsimi ilaasortanngussaaq.

Allaffeqarfiup innersuussutaa

Allaffeqarfiup kommunalbestyrelsimut tullinnguuttut akuerisassanngorlugit innersuussutigai:

1. Kommunalbestyrelsimi Malia Larsen Rosing kommunalbestyrelsimi qinikkatut, juulip 31-aniit 2021 piffissami killiligaanngitsumi sulinnikkallarnissaa akuersissutigineqassasoq
2. Malia Larsen Rosing-ip kommunalbestyrelsimi qinikkatut sulinnikkallarnerni, Agathe Fontain kommunalbestyrelsimi ilaasortanngussasoq aggstip aallaqqaataaniit 2021

Borgmesterip aalajangiinera

Kommunalbestyrelsi sinnerlugu 23. juli 2021 borgmesteri aalajangiivoq,

-innersuussutigineqartoq akueralugu

Aalajangiineq pillugu kommunalbestyrelsi tullissaanik ataatsimiileruni paasissutissiissutigineqassaaq.

**Innersuussut**

Suliaq Kommunalbestyrelsimut paasissutissiissutigineqarpoq.

**Aalajangiineq**

Tusaatissatut tiguneqarput.

**Ilanngussaq**

1. Malia Larsen Rosing-ip kommunalbestyrelsimi qinikkatut sulinngikkallarnissamut qinnuteqaataa ulloqartoq 12. juli 2021
2. Inatsisartut inatsisaat nr. 27, 28. november 2016-imeersoq

## **Imm. 6.2 Borgmesterip aalajangiinera - Ataatsimiititaliamut ilaasortassanik nutaanik qinersineq**

*Journal nr. 01.01.03*

### Tunuliaqutaq

2020-mi 29. februar Malia Larsen Rosing-ip kommunalbestyrelsimit killiligaanngitsumik sulinnikkallarneranut atatillugu, suleqatigiit Siumut, Inuit Ataqatigiit Atassullu ataatsimiititaliamut il.il. ilaasortassanik sinniisussanillu kommunalbestyrelsimut akuerisassanngortitsilluni innersuussinissaanik qinnuigineqarpoq.

### Maleruagassatigut tunngavissat

Kommunit aquneqarnerat pillugu Inatsisartut inatsisaanni nr. 29, 17. november 2017-meersumi § ”38-mi allassimavoq *Piffissap qinigaaffiup ingerlanerani ataatsimiititaliami taamaaqataaniluunniit ilaasorta q tunuarpat kommunalbestyrelsimilu suleqatigiinnit aalajangersimasunit qinerneqarsimappat inissaq inueruttoq suleqatigiinnit taakkunannga inuttalerneqassaaq.*”

### Pissutsit atuuttut

Tullinnguuttunut **ilaasortamik nutaanik** qinersisoqassaaq:

1. Atugarissaarnermut Ataatsimiititaliaq
2. Aalisarnermut Piniarnermut Nunaqarfiillu pillugit Ataatsimiititaliaq

### Innersuussut

Kommunalbestyrelsimit akuersisassanngorlugu, Suleqatigiit Siumut, Inuit Ataqatigiit Partii Atassullu tullinnguuttutigit toqqaanissamut innersuussinissaanik qinnuigineqarpoq,

Tullinnguuttunut **ilaasortamik nutaanik** qinersisoqassaaq:

1. Atugarissaarnermut Ataatsimiititaliaq
2. Aalisarnermut Piniarnermut Nunaqarfiillu pillugit Ataatsimiititaliaq

### Borgmesterip aalajangiinera

Kommunalbestyrelsi sinnerlugu 26. juli 2021 tusarniaareerluni borgmesteri aalajangiivoq,

-Malia Larsen Rosing-ip ilaasortaaffii Agathe Fontain-imiit ilaasortaaffigineqalissapput.

Kommunalbestyrelsi tullissaanik ataatsimiinnerani aalajangiineq pillugu paasissutissinneqassaaq.

### **Innersuussut**

Suliaq Kommunalbestyrelsimut paasissutissiissutigineqarpoq.

### **Aalajangiineq**

Tusaatissatut tiguneqarput.

### **Ilanngussaq**

1. Ataatsimiititaliat allattorsimaffia

**Imm. 6.3      Ilisimatitsissut Qeqqata Kommuniani angallassissutit tamanit  
atorneqarsinnaasut**

*Journalnr. 23.06.00*

Tunuliaqutaq

Suliamik saqqummiineq una allaffeqarfiup Qeqqata Kommuniani politikkerinut ukiuni aggersuni missingersuutitigut suliaqartarnermut atatillugu oqallisissiarivaa, ukiup tullianut sanaartugassatut kissaatit ataatsimiitalianiit tunniunneqareernerat pillugu.

Angallassissutit tamani atorneqarsinnaasut kalaalimineerniarfittut kommunimit aningaarsartuutigineqarput, kommunilli aningaasaqarneranut inuit biiliinik eqqussuinikkut akimmisitsisutullusooq illutik toqqaannangikkaluamik ajunggitsumillu tapertaallutik, kommunillu aningaasartuutigisaanut angallassissutaasinnaasunut allanut annikillisaataasutut illutik.

Suliamut saqqummiussaq una ilisimasitsissutitut innersuussutituunngitsoq saqqummiunnerani, kommunip ingerlatsinikkut missingersuutitigut suliniutit pillugit aningaasatigut oqimaaqatigiisitsineq qulakkeersinnaangilaa, suliamik saqqummiussami kommunip taamatullu aamma innuttaasut sumiiffimmi aningaasaqarnikkut pingaartitaannut, nunaniillu allanit nioqutissanik eqqussuineranut atatillugu sammisat siammasissumik tunngaveqarput. Sammisag biilnik bussinillu ingerlatsineranut tunngaannangilaq, aammali kommunip aqquserngit pillugit ingerlatsineranut, aserfallatsaaliuineranut, eqqussuineramilu killilersuutitut missingersuutaanut kiisalu aningaasartuutit annikillisarluarlugit allaffissornikkut sulineranut attuumassuteqarluni.

Tamanna Qeqqata Kommuniani inoqarfinni angallassissutinik kikkunnit tamanit atorneqarsinnaasunik ataatsimut isiginninnermut tunngassuteqarpoq, soorlu ullutsinni Sisimiuni, Maniitsumi Kangerlussuarmilu busseqartoq tamanit ilaaffigineqarsinnaasut. Naak angallassissutit tamanit atorneqarsinnaasut periarfissaagaluartut, inuit biiliinik eqqussuinerat qaffariarsimavoq, taamaattumillu aamma kommunimi tamanut angallassissutinut ilaanissaq ornigineqarpallaarani.

Innuttaasut biilnik akisuunik nunanit allanit imaluunniit illoqarfigisami biilnik tuniniaasartumit pisinerminni biilit amerligaluttuinnarneri kisiartaallutik aningaasaqarnikkut ajortumik kinguneqartitsinngillat. Biilit amerligaluttuinnarnerisa mingutsitsineranut, aqquserngit ataatsimoorfiillu eqqaanni silaannaap pitsaassusaanut, aqqusinermi angallattut amerlanerulernerannut, biilit unittarfiinik amerlanerik pisariaqartitsinerulerneranut kiisalu kommunimi aqquserngit pillugit aningaarsatuutit qaffannerisigut sunniisinnaavoq.

Ukiuni arlalinngortuni nunani allani angallannerujussuarmut mingutsitsinernullu aaqqiissuteqarniarneq ukkatarineqarpoq, tassani aqqusinerne mikisuni angisuunilu angallannermi siuleriaattoqartarunnaarnissaa qitiutillugu angallassissutinik tamanit atorneqarsinnaasunik, soorlu bussinik qimuttuitsullu assigiinngitsunik atortulersuutitigut pitsangorsaannikkut atoruminarsaaneq siullermik misiliutigineqarluni. Luxembourgimi illoqarfinni angisuuni atortulersuutitigut annertuunik sanaartorniarnermi isorartussuseq, aningaarsartuutit annertuner kiisalu pisariussuseq pillugit angallassissutit tamanit atorneqarsinnaasuni ilaaneq aatsaat massakkut akeqarunnaarsinneqarpoq. Suliniut nunami angallannerup annertusigaluttuinnarneranut mingutsitsinernullu, inuiaqatigiinnut akornutaaqisunut ingalassimaartitsissaaq.

Piffinnit allanit sanilliullugu Qeqqata Kommuniani illoqarfiit iluanni bussinik ingerlatsineq pitsaanagerusooq taamaallaat pisariaqartinneqarpoq, bussinik angallannerup ajornaquteqanngitsumik ingerlanissaa qulakkeerniarlugi minnerpaamik aqquserngit taamaallaat naleqqusarneqartarput. Allatut oqaatigalugu bussertartunut bussernissap orniginarnerulernissaa pitsaanerulernissaalu

pitinnagu bussinik allanik pisinissaq, bussit ingerlaarfiinik allanillu naleqqussaaniq aqquuserngit ingerlaarfiinik naannernik naleqqussaaneq eqqaassanngikkaanni atortulersuutit inissereernikuupput.

#### Maleruagassatut tunngavissat

Bussinik ingerlatsineq innuttaasunik kiffartuussinissamut inatsisitigut pisussaaffiunngilaq, taamaalillunilu kommunini nammineq qinigassaalluni.

#### Pissutsit atuutut

Sisimiuni bussinik ingerlatsinerup tiguneqarnera pillugu **sanaartortitsinermut ingerlatsinermullu aningaasaliineq kingulleq** pereerpoq, taamatullu aamma Kangerlussuarmi Maniitsumilu bussinut ingerlatsinermut sulii suliariumannittussarsiortoqarluni. Kangerlussuarmi Maniitsumilu bussinik ingerlatsinerup suliariumannittussarsiorneqarneranni entreprenørit isumaqatigiissuteqarnikkut Kommunimit tunniunneqartartut saniatigut ilaasut akiliutaat aamma tigusarpaat, Sisimiunilu ilaasunit akiliutigineqartut Qeqqata Kommunianit tiguneqartarlutik.

2020-p naalernerani Sisimiuni bussinut ingerlatsinerup tiguneqarnissaanut atatillugu politikikkut aalajangiisoqarpoq, tulliuuttullu aalajangiiffigineqarlutik:

Illassutitut katillugit 5.390.000 koruuninik **aningaasaliisoqassasoq**, sanaartornermut suliniutitut nutaatut ”Bussinik ingerlatsinermut pisinierneq”-mik taaguuserlugu.

56204800 Sis ingerlatsineq teknikkikkut, 0402025003 Bussit-nut ukiumut 1,5 mio. koruuninik missingersuutaareersut, kommunip bussinik ingerlatsineranik tigusineranit **atorneqaannassasut**, taamaalillutillu bussertitsisartunut amerlassusiliinermi tallimanut sulisunut aningaasartuutitut matussusiissutigineqarlutik. (Tamatuma malitsigisaanik akissarsiat qaffanneri pissutigalugit politikikkut ilassutitut aningaasaliissutinik 233.000 koruuninik piniartoqarsimavoq)

Billest akii **taamaaginnassasut**, sullitanit 2019-imit 1,2 mio. koruuninik isertitaqarfiusut, 56204800 Sis ingerlatsineq teknikkikkumi isertitanut atuiffimmik pilersitsisoqassasoq, taannalu bussinik ingerlatsinermut atorneqassalluni.

Bussinut inissiivinnut ilassutitut aningaasaliissutissatut annertunerusumik pisariaqartitsinissamut paasissutissiissut tusaatissatut **tiguneqassasoq**, suliariumannittussarsiuussisoqareerpallu immikkut suliarineqassalluni.

Suliamillu saqqumiinermi tassani bussinut inissiivissanut akissatut missiliuutit 9 mio. koruuniunissaa ilisimatitsisutigineqarluni, bussinut inissiisarfiit pisiortorfiup innersuussutai pissutsillu atuuttut allat malillugit pisariaqarput – Bussit ullaakkut nillertillugit aallartinneqarsinnaanngimmata. Taamaakkaluortoq ingerlatsinermut immikkoortorta q suliamut atatillugu ilisimasalinnik oqaloqateqarnikuuvoq, taakkulu bussinut nutaanut qularnaveequsiinermut piffissaliussaq qaangiuppat, bussini akuutissiaq orsussamik taarserneqarnissaa aammalu motorinik programmilersuineq innersuussutigaat. Suliniutip taassuma kinguneraa, inissiivinnik kissalaartunik pisariaqartitsiunnaarneq, aammalu Sannaviup inissiivia bussinut nutaanut marlunnet qularnaveequsiinermut piffissaliussap iluani atorneqarsinnaasoq. Taamaalilluni Qeqqata Kommunian inissiivissanut 9 mio. koruunit missaannik aningaasaliisinnaasumik ujarlertariaaruppoq.

Qeqqata Kommunian bussinut ingerlatsinermut pissutsit **ukiumullu ingerlatsinermut** missingersuutit tulliuuttut atuupput:

1. Maniitsumi bussinut ingerlatsineq suliariumannittussarsiuunneqarpoq, Maniitsumilu Teknikkeqarnermut immikkoortorta qarfimmiit aqunneqarluni. Massakkut Maniitsumi bussinik ingerlatsinermut 2.255.000 koruunit missingersuutigineqarput 563030800-0402025003-mi. Entreprenørip bussertartut akiliutaat nammineq pisarpai. Isumaqatigiissut 31.05.2023-mi qaangiutissaaq.

2. Kangerlussuarmi Sisimiunilu bussinut ingerlatsineq Sisimiuni Teknikkeqarnermut immikkoortortaqaafiup ataani ingerlatsinermit immikkoortortaqarfimmiit aqunneqarpoq. Kangerlussuarmi bussinut ingerlatsineq suliariumannittussarsiuunneqarpoq, Sisimiunili bussinut ingerlatsineq 2021-mi januaarip aallaqqaataani tiguneqarnikuulluni. Kangerlussuarmi Sisimiunilu bussinut ingerlatsineq ukiumut katillugu massakut 3.325.000 koruuninik missingersuuteqarpoq, Sisimiuni aningaasarsiat qaffannerisigut ilassutitut aningaasaliissutit kingulliit 233.000 koruunit 562040800-0402025003-mi ilanngullugit.
  - a. Kangerlussuarmi bussinut ingerlatsineq 2018-imi suliariumannittussarsiuunneqarpoq, 2023-milu oktobarip aallaqqaataanut killeqarpoq ukiumut 2.129.000 koruunit isumaqatigiissummut aningaasartaliunneqarlutik. Entreprenørrip bussertartut akiliutaat pisarpai.
  - b. Sisimiuni ukioq 2021-mi bussinut ingerlatsinermit missingersuutaasimasoq 1.500.000 koruuniugaluarpoq, bussertitsisulli akissarsiaasa qaffanneqarnerat pissutigalugu maajimi 2021-mi kommunalbestyrelsip aalajangiinerani ukiumut ilassutitut aningaasaliinermit 1.733.000 koruuninut qaffanneqarlutik. Ukiumut 1.733.000 koruuni missingersuutigineqartoq 562040800 – 1001075605 – 122010200 – 010580-imiippoq, bussertitsisunullu tallimanut aningaasartuutitut matussutissatut atorneqarput, Qeqqata Kommuniiani SIK-llu akornanni bussertitsisut akissarsiaasaat pillugit nutaamik isumaqatigiissusiortoqarluni. Ammattaq billetsit akii ilaasartunit 2019-imit 1,2 mio. koruuninik isertitaqarfiusut bussinik ingerlatsinermit aningaasartuutitut allanut aserfallatsaaliinermullu isertitanut atuiffik 562040800 – 0402025003 – 121040100 – 010580 pilersinneqarpoq.

Ullutsinni Sisimiuni, Maniitsumi Kangerlussuarmilu bussertartut aningaasanik akiliillutik imaluunniit ukiut apeqputaatillugit assigiinngitsunik ukiumut kortinik pisinikkut bussinut ilaasannaapput. Sisimiuniinnaq, bussertartoqarnerusumi isertitat killilerujussuusarput, 2019-imi qaffasissusaat malillugit 1,2 mio. koruunit missaaniillutik.

Taakku isertitat Sisimiuni bussertitsisunut aningaasartuutitut matussusiisinnaangillat, bussinullu nalinginnaasumik ingerlatsinermit aserfallatsaanermullu kisiisa matussusiillutik. Sisimiuni bussinut ingerlatsineq taamaallaat tiguneqarnikuuvoq, bussertitsisullu akissarsiaat ukiumut immikkut 1.733.000 koruuninik ilaannakortumik missingersuuteqarlutik.

**Allaffissornikkut nukippassuit** ullormiit ullormut akiliinermit aningaasat qulakkeerniarnerannut ukiumullu kortit pilersinniarnerannut atorneqartarput, tamatumalu kingunerivaa kommunip allaffeqarfiata Sannaviullu bussinut ingerlatsineq pillugu maalaarutininik suliaqarnissaminut tigusinissaminnullu ulapippallaartarnerat, pissutsit massakut atuuttut allanngunnginnissaat anguniarlugu, allaffimmi sulisussanik atorfinitsitsinissaq pisariaqarpoq. Allaffeqarfimmi sulisut ulluinnarni teknikkikkut avatangiisinullu tunngasunik allanillu suliaqarnerminni bussinut ingerlatsinerup aqunneqarnera pisarnertut ingerlassinnaangilaat. Allanngortoqarnissaa pinaveersaarniarlugu, allaffeqarfik allaffimmi suliasanik annertusigaluttuinnartunik isumaginnittussanik sulisunik atorfinitsitsinissaminut ilassutitut aningaasaliissutinik qinnuteqartariaqarpoq.

Tamatuma saniatigut Naatsorsueqqissaartarfimmit ilanngussaq 1-imi naatsorsuinerit takutippaat, 2007-imiit 2021-mut nuna tamakkerlugu inuit biiliisa nalunaarsorneqarnikut amerlassusaat 5.832-ningorlutik marloriaatinngungajassimasut. Ukiuni makkunani nunatsinni inuit biiliisa amerlassusilerneqarneranni 15 procentii Qeqqata Kommuniata iluaniipput, piffissallu taassuma iluani Sisimiuni Maniitsumilu 519-ininngaanniit 896-inut amerleriarsimallutik. Tamatuma saniatigut aamma piffissami tassani nuna tamakkerlugu ATV-t 65-imiit 504-mut amerleriapiloorsimallutik, amerlanerillu Sisimiuniinnissaat ilimagineqarluni.

**Kommunalbestyrelsip aggustip 19-iani 2021 ileqquusumik ataatsimiinnerani imaqarniliaq  
04/2021**

Naatsorsueqqissaartarfik aamma aningaasaqarneq eqqarsaatigalugu inuit biiliinik eqqussuineq pillugu naatsorsuusiornikuvoq, 2007-imilu inuit biili 47 mio. koruuninik nalillit nunatsinnut eqqunneqarsimapput, kingornalu 2020-mi 75 mio. koruuninut qaffariangaatsiarsimallutik. **Qulaani pineqartut malillugit inuit biiliisa 15%-ii Qeqqata Kommunianut eqqunneqarsimanissai naatsorsorutsigit, ukiumi 2020-mi kisimi kommunip innuttaasui suliffeqarfiillu biilinik 11,5 mio. koruunit nalilinnik eqqussisimassapput.**

Maniitsumi Sisimiunilu, kommunip iluani angallaffiunerpaani, ukiumut missiliuteqarfiusumut 2019-imut **aqquserngit pillugit aqutsinermut asfaltiterinermullu tulliuuttunik missingersuuteqartoqarpoq:**

Sumiiffik	Immikkoortortaarfik	taagutaa	Ukiumoortumik missingersuutit	Ukioq missing.
Sisimiut	402025007	Asfaltiorneq	1.410.000	2019
Sisimiut	902030000	Aqqusernit, Ikaartarfiit. Majuartarfiit	1.610.000	2019
Maniitsoq	902030000	Aqquserngit, ikaartarfiit, majuartarfiit	2.239.000	2019
Sisimiut	500132	Asfalterineq	2.500.000	2019
Sisimiut	500131	Asfalterineq	1.500.000	2019
<b>Katillugit</b>			<b>9.259.000</b>	

**Ukiumut akigititaaq 9,3 mio koruunit** piffissap ingerlanerani annertusigaluttuinnartussaavoq, taamatullu aamma kommunip iluani biilit amerliartorneranni illoqarfinni biilinut unittarfiit ikippallaalissapput, piffissallu ingerlanerani Sisimiuni ingammik angallanerit ulapaarfiusut takussaaleralluttuinnassallutik.

Sisimiuni Maniitsumilu tamat angallannerat ima allannguuteqartariaqarpoq:

1. Aqquserngit pillugit ingerlatsinermi aserfallatsaaliinermullu missingersuutigineqartut 9,3 mio. koruunit, biilit allalluunniit angallassissutit amerliartorneranni annertusiartussanngillat.
2. Kommunimi innuttaasut biilinik eqqussuineq ukiumut 11 mio. koruuninut killeqarsimaartissavaat, taakkua sumiiffimmi atorneqarsinnaammata kaaviaartinneqarlutillu.
3. Tamat angallannerat pillugu allaffissornerup killilersimaarneqarnissaa, allaffissornerup kisimi tamat angallannerat pillugu pitsaanerusumik ingerlatsisinnaannginnami, aningaasaqarnermullu sunniutaa annikilluni.

Atuilluartuunissakkut kingunerisinnaasai

Kommuunip innuttaasunut tamanut angallassinissamik neqeroorutaata atuilluartuunissa qulakkeerneqassasoq. Peqqissutsip tungaaniit innuttaasut bussinik atuinerat aporfittut isigineqarsinaavoq, peqqinnissaqarfimmi oqartussat innuttaasut timersortarnissaat innersuussutigimmassuk. Tamanna aamma innuttaasut biilinik atuinernut annertusiartortumut aamma atuuppoq. Peqqissutsip tungaaniit bussit ingerlaarfiinik allannguineramik aaqqiissuteqartoqarsinnaavoq, taamaalillutik ilaasunit pinngortitami sukisaarsaartarfittut periarfissaasinnaasut sukkanerusumik ajornannginnerusumillu orninneqarsinnaaniassammata, soorlu qaqqasiernerit ilaatigut nuannarineqartorujussuupput.

Innuttaasunut kommunimilu tamanut angallassineq pitsaasoq ajornannginnerusorlu anguniaraanni, angallassineq tamanut piiminartuusariaqarpoq ajornaatsuullunilu.

Innuttaasut akileeqqaaratik imaluunniit billetseqaqqaaratik bussinut ikisinnaagaluarpata piffimmiillu piffimmut sukkanerusumik apuussinnaagaanni, amerlasuut biilnut aningaasaliisarunnaarnissaat nalilerneqarpoq. Taamatullu aamma sulisorpassuit, atuartorpassuit allallu angallanneq piffissaajaatigiunnaarlugu piffissaq eqqorlugu aggertalissagaluarlutik.

Tamatuma saniatigit illoqarfimmi sukisaarsaartarfiit innuttaasunit ullut tamaasa orneriaannaaneri aamma qulakkerneqassalluni.

#### Aningaasaqarnikkut allaffissornikkullu kingunerisinnaasai

Bussinik ingerlatsinerup qanoq pitsaanerulernissaa, aammalu kommunimi tamanut angallassinerup akeqarunnaarsinneqarnissaa aningaasaqarnikkut allaffissornikkullu kingunerisinnaasaatigit annertuumik sunniuteqarsinnaanera.

Tamanut angallassineq akeqarunnaaraluarpat bussinut ingerlatsinikkut allaffissorneq assut oqilisaanneqassagaluarpoq, taamaakkaluartorli soorlu atuisunut akigititanik naleqqussaaneq allangortinneqarnani.

Bussit taama amerlassuseqartillugit angallassineq akeqarunnaarsinneqaraluarpat, Kangerlussuarmi Maniitsumilu entreprenørit isertitaminnik ilaasut akiliutaannik annaasaminnik taarsiissuteqarfigineqassapput. Sisimiuni kisitsisit aallaavigalugit akit annertussusaat 700.000 koruunimut naatsorsorneqarpoq, Sisimiunili ukiumut 1,2 mio. koruunit pisariaqartinneqassallutik.

Allatut oqaatigalugu kommunimi tamanut angallassineq akeqarunnaarsinneqaraluarpat, ingerlatsinermut missingersuutinut kommuni tamakkerlugu 1,7 mio. koruunit ilassutitut aningaasaliissutigineqarnissaat naatsorsuutigineqassaaq.

Taamaakkaluartuq bussit amerlassusaat pissutaalluni, ingammik Sisimiuni, bussinik angallanneq pitsaasoq suli qulakkerneqarsinnaanngikkallarpoq. Tamanna isumaqarpoq innuttaasunut bussit orniginarsarnerunissaat, taamaalilluni biilnik pisinissaq pinaveersarneqarniassamat. Sisimiuni, Kangerlussuarmi Maniitsumilu bussit amerlassusaat marloriaatinngussappata bussillu ingerlaartarfii allangorlugit, bussini sulisunik, bussinik, bussit unittarfiinik amerlanerusunik aammalu aqqusinernik naleqqusnaanissat pisariaqartinneqarput. Tamakku tamaasa politikkikkut naatsorsuutit erseqqissaanikkut politikkikkut kissaateqartoqareernerata kingorna naatsorsorneqarluarumarput.

Suliniut taxartitsisunut ajunngitsumik ajortumillu aamma kinguneqarsinnaavoq, tamannali aallaqqaataaniilli oqaatigiuminaappoq. Bussertartut amerlineranni taxartartut ikilisinnaanissaat ilimagineqarsinnaavoq. Taamaakkaluartorli aamma amerlanerit biilerpallaarunnaarnissaat naatsorsuutigineqarsinnaalluni, taamatullu innuttaasut bussinit taxanillu ingerlanneqarnissamik taamaallaat periarfissallit amerlissallutik, taxanillu atuisut amerlinissaat aamma ilimanaateqarluni.

#### Allaffeqarfiup naliliinera

Matumuuna tamanut angallassineq, aqqusinernik aserfallatsaaliineq, allaffissornikkut suliasat kiisalu sumiiffimmi aningaasaqarnikkut iluanaarutit kingunerluutissallu pillugit eqquusuinermut killeqartitsinissamut suliniutit tamakkiisumik takunnilersitsisinnaasut pillugit paasissutissat tigussaasut suliamillu naatsorsuutigisat inissinneqarput.

Allaffeqarfik naliliivoq, bussinut billetsit akiisa apparneqarneri qaffanneqarneriluunniit bussertartut amerlassusaannut, biilnik eqquusuinermut kiisalu aqquserngit aserfallatsaaliineqarnissaannut biilnullu unittarfiinnik pisariaqartitsinermut atatillugit kommunip aningaasartuutaanut annikitsuinnarmik sunniuteqassapput. Billetsit akii taamaatiinnarneqaraluarpata, akikillippata



akitsoraluarpataluunniit bussernissaq innuttaasunut suli pisariusaaq. Taamaattoqartillugu innuttaasut kaasarfimminni aningaasateqarnissartik imaluunniit buskortimik pisinissartik nassarnissartilluunniit suli eqqaamasassavaat. Taamaattumillu aamma ilaasunut ataasiakkaanut piffimmiit piffimmukarniartarnej sivisunerussappat, bussernissaq orniginarunnaassaaq.

Inuit biiliinik eqqussuinerujussuat unikaallatsinneqassappat, suliniut pillugu kommuunip unammillertai sumiiffimmilu aningaasaqarnerup siuarsaneqarnissaannut innuttaasut peqataanissaanut siuarsaanissat aallaavigalugit politikikkut eqqarsaatersortoqartariaqarpoq.

Allaffeqarfimmiit angallannermut pilersaarut politikikkut siornatigut aalajangiiffigineqarsimasoq massakkut suliarineqarpoq. Bussinuli ingerlatsineq angallannermut pilersaarusiamut inissinneqarnissaa pilersaarutaanngilaq, allaffeqarfimmiit taamaallaat suliarineqarsinnaammat. Taamaalillutik angallannermut aningaasaliisutit attuumassutilinnut allanut atorneqarsinnaassapput.

#### Allaffeqarfiup innersuussutaa

Allaffeqarfiup Teknikkimut ataatsimiititaliamut, Aningaasaqarnermut ataatsimiititaliamut Kommunalbestyrelsimullu akuereqqullugu innersuussutigivaa:

-Allaffeqarfiup siunissami bussinut ingerlatsinermi politikikkullu naatsorsuutit pillugit ilisimasaqarlualernissamat iliuusissat, allaffeqarfiup bussinik ingerlatsinermi allannguutunik suliaqaannarnissaat pillugit politikikkut ukkatarinninnissamat pisariaqartsitsineq pillugu ilisimasitsissutaa tusaatissatut tiguneqassasoq

#### Teknikkeqarnermut ataatsimiititaliap suliamik suliarinninnera

Ataatsimiititaliap 28. juli 2021 ataatsimiinnerani paasissutissiisut tusaatissatut tiguneqarpoq.

#### Aningaasaqarnermut ataatsimiititaliap suliamik suliarinninnera

Ataatsimiititaliap 10. August 2021 ataatsimiinnermini ilisimatitsissut tusaatissatut tiguaa.

#### **Innersuussut**

Aningaasaqarnermut ataatsimiititaliap Kommunalbestyrelsimullu innersuussutigivaa,

-ilisimatitsissut tusaatissatut tiguneqassasoq

#### **Aalajangiineq**

Tusaatissatut tiguneqarpoq.

#### **Ilanngussat**

1. Naatsorsueqqissaartarfimmiit paasissutissat naatsorsuutillu

**Imm. 7.1 Siulittaasut nalunaarutai**

**Imm. 8.1 Tamalaat**

Jens M. Lyberth apeqquteqaataa Borgmesterip akissuteqarfigivaa

Anna Karen Hoffmann apeqquteqaataa Kommunaldirektørip akissuteqarfigivaa

Juliane Enoksen apeqquteqaataa Teknikkimut pisortap akissuteqarfigivaa

Steffen Johansen apeqquteqaataa Teknikkimut pisortap akissuteqarfigivaa

Oqaluuserisassat akuersissutigineqarput